

新民縣志目錄

第十六卷

物產

穀類

蔬類

果類

木類

花類

草類

新民縣志

藥類

羽類

毛類

鱗類

蟲類

貨類

物產

新民地方數百里遼柳兩河流貫其中地質大率沙壘土疏故其習俗惟事田畜無魚鹽蠶絲之利所產與遼東西數百里以內之縣無所區分以視遼陽海蓋或難爭勝近年遼柳之濱柳林如奔柳條一物採之可製箱篋居民不知用以取贏反為外人捆載以去轉以製物取利中國大豆麻子遠行海外乃不知以機器榨油與之爭逐獸皮獸毛微至鬃尾我之棄物人盡購之大利外溢一縣如此可為憬然說者每謂地非膏腴土之所產難事改變然蒲河種稻不過數年田利之興過於梁豆即此

新民縣志

二

以論物產之有無多寡固在土宜而精以求之尤闕人事啟聞滄智以工以作是在我新之民茲特舉新民所產植動諸物據採訪所及一一著之於篇以待後之君子考方物觀世變者有所原本亦庶幾周官土訓班氏地理之遺情乎

穀之類

高粱 高粱於古無考始見廣雅謂之藿梁謂之木稷博物志謂之蜀黍種來自蜀故名蜀黍今俗呼高粱種類甚多有紅殼散穗紅殼緊穗黃殼散穗黑殼散穗黑殼緊穗數種苗高丈餘粒圓重新民產最饒土人率皆飯此漚

為米粉可製餅餌和以麥麩可釀酒香味芳烈麻醉力最大遇火輒燃即古燒春也今呼燒酒又呼燒刀子俗又呼老白乾其糖穀為家畜飼料其稽為燃料其皮可製席又一種蜀黍之稔性者俗呼黏高粱有紅黃白黑數種又一種筍帚黍俗呼筍帚糜子穗極長可為帚

粟

盛京通志古以米之有稃殼者為粟今以穀之最小而圓者為粟俗呼穀子色白者最貴黃者次之穗長下垂粒小而圓外有殼者去皮殼呼為小米為黃河以北人民常食之品可造餅餌製酒為飴其藁俗呼穀草可用

新民縣志

三

麥

為芻其穰可葺屋

廣雅粦小麥群大麥本作來年詩周頌貽我來年吳晉本草大麥一名橫麥爾雅翼大麥宜為飯又可為酢其藁可為飴新民大麥分有芒無芒二種可釀酒製飴為醬油原料小麥分赤白二種可為是二麥俱春種夏熟其藁可造夏帽或玩器又一種小麥俗呼女麥其穗於溫帶地方新民所種甚少色分黑白粒有短大細長之別又一種鈴麥即橫麥俗呼鈴鐺麥類大麥而大色黑蕎麥於古無考本草蕎麥莖弱而翹然易長易收磨麩

蕎麥

如麥王禎農書曰北人多種之白居易詩曰蕎麥鋪花
白當唐之中葉蕎麥已見詩人吟詠其列入穀類蓋久
矣種有大稜小稜黃色黑色之別黑色最佳夏種秋熟
為百穀中播種最晚者

黍

禮曰薊合說文禾屬而黏者也以大暑而種故謂之黍
又黍有二種黏者為秬可以釀酒不黏者為黍如稻之
有秠糯也爾雅翼黍大體似稷古人併言黍稷今人謂
黍為黍稷吳汝綸深州風土記蘇茶謂稌即稷程氏謂
稌即黃黍內則直呼曰黍不得冒稷其說是矣至謂蘇

新氏縣志

四

強分黍為二穀則尚未盡允以稌為稷乃蘇恭創說前
古無有故不足憑大抵黍稷二穀形相似雖農夫亦多
未辨故自古博物君子多有爭辯新氏土產分黃紅黑
斑等色以黃者為多而佳土名紅黏穀去殼俗呼小黃
米

稷

禮曰明粢說文齊也五穀之長徐鉉注稷即稌一名粢
楚人謂之稷闕中謂之糜其米為黃米周官土訓注云
幽并地宜麻釋文麻一作糜程易疇九穀考云糜必糜
字之誤深州風土記謂陶宏景以後梁稷二穀始誤吳

瑞以高粱為稷尤為無據今定粟即稷上已有粟此稷宜從刪去吳汝綸為近世通儒根據羣書定稷為粟是也惟今俗稷與粟似有別宜兩存之新民土產分紅黃二色俗呼糜子去殼呼為大黃米土人煮之成粥或製糕餅和以麥麩可釀元酒又呼為黃酒

玉蜀黍

玉蜀黍不見於古籍莖葉似蜀黍子藏包中土名包米種類甚多有甘玉蜀黍馬齒玉蜀黍白玉蜀黍黃玉蜀黍與小米同為幽燕人民常食之品可磨麩可煮粥色白者可攪入麥麩

稻

說文稌也詩周頌豐年多黍多稌韻會有益穀即今南方所食之米水生而色白者爾雅翼稻米粒如霜性尤宜水一名稌然有黏有不黏今人以黏為秧不黏為秔又有一種曰秈比於秔小而尤不黏其種甚早今人號私為早稻秔為晚稻六書故南方種自六月至九月獲北方地寒十月乃獲遼瀋地寒稻非所宜見於載籍者惟新唐書渤海傳有盧城之稻前清之世產於奉天者獨遼陽有名色微青味香美號遼陽青新民夙不產稻民國以還屬境沿蒲河居民始行試種今未及十年種

稌之田據農會會長等調查已逾二萬畝獲利頗厚
即黏稻俗呼秧米味甘香可釀酒漚為米粉製食品最

佳

秠

即稻之不黏者六書故稻性宜水亦有同類而陸種者
謂之陸稻新民所產即陸種俗稱粳子產量不如水稻
說文禾別也孟子苟為不熟不如莠稗性宜下濕米可

稗

食尤宜飼家畜藁俗呼稗草可以葺屋亦可為芻

脂麻

黃帝素問麻麥稷黍豆為五穀正字通麻即油麻俗呼
芝麻可榨油為油類中最上之品性喜上田新民土壤

新民縣志

六

非所宜產甚少

蘇

爾雅謂之桂荏本草注蘇從蘇舒暢也蘇性舒暢行氣
和血故謂之蘇俗呼蘇子有赤白二種收子可榨油高
阜之地種之適宜新民產無幾

苧麻

本草葉似大麻子如牛蠅殼中白肉如續隨子仁油可
作印色盛京通志子斑紅如牛蟲者可入藥黯花者俗
名大麻子二種俱可榨油其粕製餅名麻油餅可為植
物肥料

火麻

本草雄者名桑麻雌者為苧麻子曰廣可榨油皮漚為

麻曰線麻

大豆

博雅大豆菽也詩豳風禾麻菽麥周禮注九穀兼大豆
小豆管子地員大菽細菽深州風土記大豆分大小青
黃黑白赤綠花紅諸色盛京通志大豆分黑白黃褐青
斑諸色今新民隸奉天應按通志所載諸色分別著錄
色黑者土名合豆一名烏豆有大烏小烏之別味苦不
可食程生者八藥名稻黑豆色白者俗稱白眉豆色黃
者土名元豆俗稱金黃豆色青者俗稱青皮豆褐斑無
別名合黑白黃青統曰大豆大豆為奉天全省特產新

新民縣志

民產最厚佔輸出品之鉅額可榨油可製腐可造醬其
粕可飼家畜可作農田肥料

小豆

即古之細菽分白紅諸色可釀酒可製粉赤者八藥名
亦小豆

豌豆

廣雅痺豆豌豆留豆也王伯中疏證云四民月令正月
可種春麥痺豆深州風土記今北方種豌豆在正月與
四民月令符故北農語曰豌豆大麥不出九也李時珍
曰豌豆種出西胡其苗柔弱宛宛故得豌豆名百穀中最
先登者嫩時青色者則斑麻遠志名曰鵲豆今新民有

大小二種性不畏寒不擇土種者甚多惟種時較深州風土記所云為遲地又偏於北也

豇豆

廣雅胡豆豇躡也李時珍曰豇豆蔓生花紅白二色莢白紅紫赤斑駁數色長者二尺開花結莢兩兩並垂又曰此豆多紅色莢必雙生故有豇躡之名深州風土記今案豇為躡躡之合聲李謂躡躡為豇是也但廣雅以為胡豆不得謂誤蓋豆之來自外國者甚多新氏豇豆土人又有十八豆跑破鞋諸名蔓生以外別有矮生者

新氏縣志

八

菜豆

本草舊書皆作菜豆李時珍改菜為綠性甘寒清熱解毒盛京通志粒粗而深綠者為上粒潤而淡綠者次之菜菜豆粒圓如珠較菽為大豆者小而尤圓與大豆之黑黃諸色形與性俱不同深州風土記並列入大豆之類似誤新氏所產少于大豆張麵可製饅餌漚之製粉條粉皮蒸之生芽俱可佐菜蔬之用

蠶豆

王禎農書謂其蠶時始熟故名盛京通志按豆中惟此無枝蔓亦呼樹豆

扁豆

李時珍曰扁本作扁莢形扁也瀋陽縣志色不一有早

晚二種色白者入藥名曰扁豆

雲豆 盛京通志種來自雲南俗呼六月鮮新民土人又有大挽袖俗名風味頗佳

蔬之類

菘

埤雅菘性隆冬不凋四時長見有松之標南史周顒傳秋末晚菘即此李時珍云菘今人呼為白菜北人冬時入之窖燕京園人冬時以馬糞入窖壅培不見風日長出苗葉皆嫩黃色脆美無滓謂之黃芽菜豪貴以為佳品盛京通志白菜有二種肥厚嫩黃者為黃芽白窄莖

新民縣志

九

者為箭桿白瀋陽縣志近有疣痘白其種來自外洋亦菘類

韭

說文一種而久者故謂之韭曲禮曰豐本早春最美南史周顒傳春初早韭即此

芥

楊子方言薺菹趙魏之間謂之大芥其小者謂之辛芥或謂之香芥爾雅翼芥似菘而有毛極辛苦盛京通志俗以大芥為芽芥以馬芥為癡芥白芥子入藥

菠菜

劉禹錫嘉話錄云菠菜種自西國有僧將其子來云是頗陵國之種語訛為菠稜耳李時珍曰案唐會要云太

宗許尼波羅國獻菠蓀菜即此也菜有紅白二種春秋皆可植質極柔味殊佳

芹

說文楚葵也詩魯頌薄采其芹芟水菜也埤雅芹潔白而有節其氣芬芳本草作水鄴陶云二三月作莢時可作蔬熟滷食之俗中皆作芹字盛京通志水旱兩種赤白二色

藕

爾雅荷夫渠其藕說文作藕韻會凡芙蓉行根如竹行鞭節生一葉一華華葉常偶故謂之藕新民產甚少味鬆脆亦不如南產

新民縣志

萹蒿

詩周南言刈其萹疏葉似艾正月根芽生莖正白生食之脆美盛京通志謂詩于以采萹即此今案韻會陸璣曰萹春始生香美可蒸食秋名白萹可以為俎則似萹與繁有別矣爾雅釋草繁之醜秋為萹注春時各有種名至秋老成通呼為萹據此萹繁必為二種新民俗呼萹蒿菜萹蒿音同也

萹苳

本草附入白苳杜工部有種萹苳詩新民俗有受賞北斗星兩名又呼生菜色白味佳

蘆菔

一名胡菔一名苳菔韻會胡菔香菜張騫使西域得胡

姜陳藏器云石勒諱胡故并汾人呼為香姜李時珍云
姜說文作蔞薑屬可以香口今呼原姜乃薑葉布散之
兜俗作芡非

蔣蘿

一名小茴香本草蔣蘿生佛誓國一名慈謀救一名小
茴香實如馬芹

秦椒

一作秦芡本草注陶云秦椒形似蜀椒而大或呼為大
椒盛京通志結椒長于棗而上銳生青熟紅味辛瀋陽
縣志結實向上者名天芡狀如柿子者俗呼柿子芡新
民俗呼辣芡按椒芡義同

新民縣志

十一

蘿蔔

爾雅苜蓿菹疏今謂之蘿蔔本草苜蓿注菹與菹同韻
會蘆菹一名來服楊文公談苑更始敗掖庭中宮女數
百幽閉殿門內掘庭中蘆菹根食之今蘿蔔也蘇頌圖
經河朔蘆菹極有大者盛京通志今以圓而皮紅者為
大蘿蔔長而色白者為水蘿蔔子入藥為萊菹子新民
土產為蔬菜之佳品用以禦冬尤為珍貴

胡蘿蔔

李時珍云元時始自胡地來今北土多蔣之苗如邪
蒿不可食冬月掘根生熟皆可啖兼果蔬之用今菜嘉
祐本草葫蘆巴蘇頌云番蘿蔔子新民所產有赤黃兩

種可以佐餐可以作菹

蔥

蘇頌圖經蔥有數種入藥用山蔥胡蔥食品用凍蔥漢蔥一切經音義引爾雅舊注云并州以北多饒蒼蔥廣雅蒼山蔥盛京通志春發曰羊角秋種曰白露新民產與通志所載同味辛葷為蔬菜中調味之品

蒜

爾雅翼大蒜為葫小蒜為蒜蘇頌圖經爾雅蒿山蒜釋曰蒜葷菜也說文所葷菜者今大蒜蒿乃今小蒜玉象晉羣芳譜引孫愐唐韻云張騫使西域始得大蒜初時中國止有小蒜盛京通志有紫皮白皮二種新民又有

新民縣志

小蒜生田野間其根頭極小俗呼小根菜味略與蒜同或謂小蒜即薤

山藥

一名諸蕒蘇頌圖經言諸蕒秋生實於葉間如鈴韓昌黎送文暢北游詩云山藥者可掘今案山藥產於懷慶者最稱上品實生於根圓而長長者二尺餘形不似鈴與蘇說稍異韓公所詠當即此新民所產俗呼山藥豆子生葉間與蘇說符

馬鈴薯

俗呼地豆與山藥豆有別性喜寒地瀋陽縣志種類有二紅色者為外洋產熟較早白色者為中國產味較

佳

芋

說文大葉實根駭人故謂之芋也史記項羽本紀士卒食芋菽索隱注芋蹲鴟也貨殖傳汶山下有蹲鴟唐李密所食亦此俗名芋頭

地瓜

一名甘藷於古無考有紅白二種莖葉頗長實生土中掘而煮食或煨之味極甘歲饑救荒可代菽粟今人漸有以之釀酒者

苦菜

詩邶風誰謂荼苦大雅董荼如飴爾雅荼苦菜疏葉似苦苣而細斷之白汁花黃似菊禮月令四月苦菜秀即

新民縣志

十三

此李時珍云苦菜即苦蕒菜今俗呼苦馬菜又呼曲馬菜苦馬曲馬皆為苦蕒之轉音也

茄

廣韻音伽茄子菜可食本草一名落蘇蘇頌圖經紫茄黃茄南北通有之青水茄白茄惟北地多有盛京通志有海茄水茄早茄之別色亦各異今菜新民所產白色青色長形者多紫色球形者極少與關內產者形殊種同

瓜之類

黃瓜

俗傳黃瓜即王瓜月令孟夏之月王瓜生本草王瓜一

名土瓜陶云土瓜生籬院間亦有子熟時赤如彈丸月
令玉瓜生謂此菜黃瓜今為常蔬結瓜時色綠形細長
略有茨形色與陶說迥異是黃瓜並非玉瓜蘇頌圖經
云胡瓜黃色謂之黃瓜陳藏器云北人為石勒諱胡改
稱黃瓜今之黃瓜或即此

西瓜

胡嶠陷虜記嶠征回紇得此種歸名曰西瓜松漠紀聞
西瓜如扁蒲而圓色極青翠經歲則變黃其類甜瓜
味甘脆中有汁尤冷新民產有三白金鑲玉早熟青皮
黑花力虎黑桃紋青皮班條等名瓢分黃紅粉白等色

新民縣志

十四

甜瓜

詩豳風七月食瓜曲禮為天子削瓜者副之即甜瓜也
蘇頌圖經甜瓜有青白二種李時珍云北土種蔣甚多
新民俗呼香瓜有金八稜羊角蜜大青皮白皮各種熟
於七月與詩符味極甘美

菜瓜

李時珍云越瓜南人呼菜瓜盛京通志一名稍瓜短者
為菜瓜脆者為脆瓜菜菜瓜類似甜瓜惟其形較長味
畧酸

打瓜

形似西瓜而小味酸瓢紅子大成熟後剖瓜取子以油
炒食最佳

絲瓜

李時珍云唐宋無聞今南北皆有瀋陽縣志一名天羅長者數尺其狀蜿蜒如蛇瓜時以石墜之則直老則筋如亂絲亦可入藥時人或云近日有以絲瓜瓢製夏帽者質輕而良新民尚無造者

冬瓜

本草一名白瓜深州風土記形類枕皮白如粉塗其子亦白故名

倭瓜

盛京通志種出自倭故名又高麗瓜色黃形圓俗呼栝子瓜又有南瓜種出南番紫瓜種不同故形有圓長之別然味無甚異

新民縣志

十五

玉瓜

形似倭瓜而小味不同

瓠

詩幽風八月斷壺傳壺瓠也又云匏謂之瓠蘇公云瓠形似越瓜長尺許夏中熟秋未枯

壺盧

蘇公云瓠瓢狀大小非一夏末始實秋中方熟霜後方為器按莊子逍遙遊剖之以為瓢則瓠落無所容即今之壺盧盛京通志又有細腰者為藥壺盧小而扁者為油壺盧老而堅皆可備器用

果之類

梨

唐書渤海傳果有樂遊之梨一統志醫巫閭山出香梨

今千山及廣寧者為上接梨香水梨平頂香或鮮或凍或蜜餞以時入貢又有羊奶馬奶諸名又有酸梨皮黑土人珍之新民產梨甚稀近經省會議員榮凱試行栽植味不亞於廣寧謂非土宜不盡然也

桃

盛京通志出廣寧及千山者佳新民產極少

杏

盛京通志奉天錦州諸山皆有之色味俱佳新民產亦

少

棗

盛京通志遼陽有之色青味甘新民僅園圃間有種者

李

新唐書渤海傳果有九都之李盛京通志今出奉天者

新民縣志

十六

種類甚多新民亦無多產

葡萄

蘇頌圖經葡萄北果之珍者其汁可釀酒史記大宛以

葡萄為酒中國惟太原葡萄酒有名今錦縣亦有釀者

新民有雞心灰色碧色數種產不富尚無人以之釀酒

石榴

博物志張騫使西域回所得博雅若榴石榴也丹實垂

垂若贅瘤也新民夙無此產近漸自關內移植居人云

土非所宜也

桑椹

說文作葇桑實也色紫黑味甘酸

蓮子

說文芙蕖之實也有紅白二種小於建蓮近蒲河產甚

多味極香美亦可入藥

菱角

又作菱說文菱也陸佃詩疏四角三角曰菱兩角曰菱亦產於蒲河者食甚佳

芡

說文雞頭也揚子方言芡北燕謂之芡青徐淮泗之間謂之芡或謂之雞頭或謂之雁頭或謂之烏頭古今注葉似荷而大葉三感總如沸實有芒刺其中如米蒲河產甚稀

山定子

果紅味酸可以生食蜜餞尤佳

木之類

新民縣志

十七

柳

說文柳小楊也陳藏器云江東人通名楊柳北人都不干楊有杞柳檉柳諸種趙岐孟子注杞柳柎柳也爾雅釋文柎柳即檉柳蘇頌圖經其木人以為車輶取其細條火逼令柔韌屈作箱篋河朔尤多爾雅檉河柳郭注今河旁赤莖小楊也新民地濕多沙最宜種柳近年人知森林之利沿遠柳兩河彌望如莽榛條作篋尤稱良製惟本地無工藝專廠所產枝條大都為日本商人捆載以去大利外溢為可惜耳

楊

說文楊蒲柳也蘇頌圖經蒲柳其枝勁韌可為箭筈左

傳董澤之蒲是也今河北沙地多生此今案盛京通志有青白二種材可作器崔豹古今注白楊葉短青楊葉長

榆

陸機草木疏榆有十種葉皆相似皮及木理異爾雅釋榆者三一曰蘄蓋郭注今之刺榆疏詩唐風山有樞是也一曰無姑其實夾郭注無姑姑榆也生山中葉圓而厚所謂蕪美是也一曰榆白粉疏詩陳風東門之粉是也盛京通志本地榆類甚多皆美材刺榆花榆尤佳刺榆大者中為車軸一名軸榆唐風所謂山有樞者此也

新民縣志

花榆理細宜為几案凡榆麻腫處花紋尤勝可飾器用人多珍之今新民土非所宜各種榆皆無多產

桑

說文桑蠶所食葉木齊民要術種椹長遲不如壓枝後燕錄遼川無桑慕容廆通於晉求種江南始得盛京通志案此地桑類頗多特少養蠶者耳今新民有胡桑魯桑各種惟土人向不養蠶此樹甚少

荆

說文楚木也可為筐筥之用

花之類

金雀花

羣芳譜叢生莖褐色花生葉旁開兩瓣勢如飛雀新

民產又有藍色者

丁香 齊民要術云雞舌俗名丁子香寇宗奭云此正是御史口含之香深州風土記云今案蘇頌圖經云惟廣州有之非也杜公江頭五詠有丁香今燕趙并有盛京通志紫白二種生山原者名野丁香

芍藥 詩衛風贈之以芍藥古今注芍藥一名可離故將離而後贈之本草芍藥猶綽約也此草花容綽約故以為名大金國志女真地向多白芍藥花金太祖十四年生紅芍藥花北方以為瑞

新民縣志

十九

刺梅 羣芳譜刺蘼灌生莖多刺葉圓細而青花重葉狀似玫瑰而大今案刺梅即刺蘼色黃多刺

石榴 已見前盛京通志有紅白黃三種不結果者名番花石榴

月季 李時珍云薔薇類也逐月開花不結子一名長春花俗名夾枝桃葉似柳花如桃不結果

荷 爾雅荷扶渠其實蓮其根藕新民蒲河一帶生之有紅白二種

玉簪 似簪可佩王荆公詩云瑤池仙子宴流霞醉裏遺簪幻

作花萬斛濃香山麝馥隨風吹落到君家黃山谷詩云
宴罷瑤池阿母家嫩瓊飛上紫雲車玉簪墮地無人拾
化作東南第一花盛京通志一名白鶴仙未開時如白
玉搔頭

石竹

李謫仙詩石竹繡羅衣杜詩麝香眠石竹羣芳譜云石
竹草品而青翠花有五色

捲珠蓮

本名捲丹花大於山丹根如百合

鳳仙

羣芳譜莖有紅白二色葉長而尖似桃柳葉開花頭翅
羽足俱翹然如鳳狀俗呼指甲草花開頂端謂之為佛

新民縣志

二十

頂珠

雞冠

盛京通志其形如雞冠有黃紅白數種

馬纓

吳青壇嶺南雜記馬纓花色赤如馬纓其花下垂一條

葵花

數十朵樹高者丈許盛京通志花如絨一名合歡其葉
晝舒夜捲新民舊無此花高氏園新自燕地移植之

王禎農書葵陽草也為百菜之主說文葵衛也傾葉向
日不令照其根左傳鮑莊子之知不如葵葵猶能衛其
足今新民產獨莖頂作黃花大如盤隨日而轉俗名向
日蓮與許說似符與蘇頌圖經所云蜀葵錦葵兔葵各

種有別

江西臘

瀋陽縣志花似菊色不一以來自江西故名

菊

禮月令鞠有黃華離騷夕餐秋菊之落英本草菊有十名盛京通志奉天地寒諸花皆後時惟菊開應節

蓼

本草蓼類惟皆飛揚故字從蓼高飛貌瀋陽縣志又名水荭花一種馬蓼穗長高者丈餘一種虞蓼穗短新民俗呼狗尾花

金藤松

蔓長葉細花有紅黃各色

草之類

新民縣志

藍

說文染青草也鄭樵通志藍三種蓼藍染綠大藍如芥染碧槐藍如槐染青皆可作澱色勝母故曰青出於藍而青於藍其滓澄殿在下也亦作淀俗作靛澱乃藍與石灰作成玉象普云藍染草也大藍葉如蒿苣而肥厚微白小藍葉赤葉綠而小槐藍葉如槐葉皆可作靛

菸

盛京通志菸葉久可禦寒土人尤多嗜之新民所產俗呼青菸味質不如東山產遠甚今業菸葉為奉天特產自外國紙煙盛行三尺童子莫不嗜之於是菸葉銷路幾衰今若精研種植及製造之法亦挽回漏卮之一端

也

蒲

俗呼蒲棒弱如笋可食葺入藥名蒲黃

芸

說文似目宿禮月令註香草也爾雅翼芸類豌豆叢生

其葉極芳香秋後葉間微白如粉南人採置席下能去

蚤蟲今謂之七里香

艾

詩彼采艾兮傳艾所以療疾本草醫家用灸百病故曰

灸草

葦

說文大葦也水泊中多有之一名荏詩八月荏葦一名

葦詩蒹葦蒼蒼亦名蘆爾雅葦蘆註曰葦一物而三名

新民縣志

三

莎

也又有荻爾雅謂之蕭數種形類相似俱可製席編箔
俗呼蓑衣草說文一名侯莎爾雅翼莖葉似三梭根周

匝多毛謂之香附子一名雀頭香莖宜蓑笠

几刺草

瀋陽縣志兩陵多有之農人冬時墊几刺中用以煖

足亦可造紙俗以此草與葎紹並稱關東三寶几刺

滿語革屨也新民此草亦多洵為本地特產

羊草

盛京通志生山原間戶部官莊以時收交備飼牛羊之

用西北邊謂之羊鬚草長尺許莖末圓勁如松針黝

色油潤飼馬肥澤居人以七八月刈積之經冬不變

蘭 說文莞屬玉篇似莞而細可為席一名馬蘭鄉人於田

間多植之以為界標子入藥即蠶寶

水稗 俗呼水稗草可飼畜

蓬 詩彼茁者蓬荀子蓬生麻中不扶自直盛京通志今人

統呼為蓬子蒿

藻 詩于以采藻陸機云生水底盛京通志葉大者曰馬藻

葉細者曰水蘊土人呼水蘊為扎草冬取食之名凍青

菜

萍 本草註萍即楊花所化一葉經宿即生數葉葉下有微

新民縣志

蘋即其根也

茨 詩牆有茨即此一名蒺藜布地蔓生

藥之類

車前子 爾雅芡苕馬馬車前詩采芡苕陸機疏馬馬

一名車前一各當道喜在牛跡中生故名車前幽州人

謂之牛舌草

蒼耳子 爾雅卷耳蒼耳廣雅蒼耳蒼耳泉耳也高誘云幽冀

謂之檀藥陸璣云幽州人謂之爵耳

益母草 詩中谷有蓀爾雅蓀蓀註今芫蔚也又名益母

地丁 李時珍云葉似柳微細夏開紫花結莢一名箭頭草

地骨皮 本草枸杞一名地骨陸璣疏春生作羹茹微苦

祁艾 已見草類

小茴香 李時珍云小茴香即蔣蘿已見蔬類又唐本草有懷

香蘇頌云北人呼為茴香茴懷聲近

透骨草 李時珍云治筋骨風溼

蛇床子 爾雅謂之虺牀淮南子云夫亂人者芎藭之與藁本

也蛇牀之與藜蘘也此皆相似又云蛇牀似藜蘘而不

能芳

新民縣志

蒺藜 已見草類爾雅茨蒺藜郭云細葉子有三角刺人

蒲公英 唐本草作蒲公英蘇頌圖經云俗呼蒲公英瀋陽縣

志狀如金簪草花有黃白二色葉似芭斷之有白汁

茜草 說文茅蒐也本草一名地血一名風車草一名週山龍

蒲黃 蘇恭云即香蒲花蘇頌圖經蒲蘆同禮以為菹

赤芍 即芍藥根

百合 根如蒜頭有瓣蘇頌云病名不合而用百合治之不識

其義李士材云亦清心安神之效耳

澤蘭 盛京通志莖方節紫葉似蘭草而不甚香根名玉環菜

山谷陰濕處亦有生者

葶藶

爾雅葦葶藶註實葉皆似芥一名大室一名丁厯西京雜記葶藶死于盛夏瀋陽縣志子如黍米微長色黃

大小薊

盛京通志花青紫葉多刺俗呼牛戳口有大小二種瀋陽縣志大薊俗呼槍刀菜小薊俗呼十針草

麻黃

僧繼洪云中牟產麻黃地冬不積雪性熱故過服泄真氣瀋陽縣志別名中黃節士

茅根

瀋陽縣志茅針可潰癰節

菜菔

新氏縣志

二五

苦丁香

即瓜蒂

馬勃

菌類樹木腐敗則生此物碾末作藥韓昌黎文牛溲馬勃即此也

羽之類

雞

詩風雨如晦雞鳴不已言知時也莊子云雞有五德本草遠有食雞角雞二種今案俗名九肋黃者即角雞也

鴨

爾雅舒鳧鶩禽經鴨呷呷其鳴自呼鳧能高飛而鴨舒緩不能飛故曰舒鳧尸子野鴨為鳧家鴨為鶩

鶩

爾雅舒雁鶩埤雅鶩頸如瘤江東呼野鴨為鶩

鵓 眼黃喙紅掌善鬪夜鳴應更李延曰野曰雁家曰鵓
陸佃曰鵓性喜合凡鳥雄乘雌惟鵓雌乘雄逐月有子

又名鵓鵒韻會唐明皇呼鵓為飛奴正字通唐鄭復禮
言波斯船上多養鵓鵒能飛行數千里放一隻至家以

為平安信今案歐美人遠行多用鵓寄書

鳩 禽經拙者莫如鳩不能為巢詩維鵓有巢維鳩居之

烏鴉 說文烏孝鳥也廣雅純黑反哺者謂之烏小而腹下白

不反哺者謂之鴉

燕 說文燕玄鳥也陶云燕有兩種紫胸輕小者是越燕斑

新氏縣志

二六

黑而聲大者是胡燕凡燕春來秋去皆以社日故文曰

社燕

鵲 本草鵲大如鴉而長尾尖背黑爪綠背白腹上下飛鳴

以音感而孕以視而抱冬季始巢開戶背太歲向太乙

知來歲多風巢必卑下其鳴啾啾故謂之鵲鵲色駁雜

故謂之駁靈能報喜故謂之喜鵲性最惡淫故謂之乾

鵲

雀 說文雀依人小鳥也古今注一名家賓又蘇雀喜食蘇

子性馴順故俗呼為蘇呆子

啄木 爾雅鴛啄木淮南子云啄木愈齧

鶉 本草鶉大如雞雛頭細而無尾有斑點雄者足高雌者足卑盛京通志鶉性喜鬪土人呼為鶉鶉惟青蛙化者則不鬪

鷹 爾雅鷹鵠鳩玉篇鷹鷲鳥李時珍曰鷹以膺擊故謂之裴氏新書鷹在衆鳥間若睡寂然故積怒而後全剛生馬詩太雅維師尚父時維鷹揚言其武之奮揚也盛京通志古以出遠海者為上

布穀 爾雅鳩鳩郭云今布穀

新氏縣志

百舌 禮仲夏之月反舌無聲註反舌百舌鳥淮南子人有多言者猶百舌之聲註百舌鳥名能易其舌效百鳥之聲故曰百舌也

鴻雁 詩傳云大曰鴻小曰雁禮季秋鴻雁來賓季冬雁北嚮顏師古曰鵠水鳥其聲鵠鵠本草鵠大於雁羽毛白澤其翔極高而善步一名天鷲

鳧 爾雅舒鳧鷲疏野曰鳧家曰鴨

魚鷹 盛京通志大於鴉色黑鈎背食魚一名鈎魚郎

縮脖鳥 盛京通志灰色形如鶴翅大脚高飛則縮頸俗呼縮

脖子

鐵雀

盛京通志雀之大者爪堅如鐵置囚覆網取之漏網者未幾復至亦鳥之義而愚者冬則羣飛入海

鴟鵂

玉篇鴟鵂惡鳥捉鳥子而食者又角鴟一名鴟鵂一名鴟鵂一名鴟爾雅鴟鵂鴟鵂又怪鴟釋鳥註即鴟鵂也埤雅怪鴟一名隻狐晝無所見夜即飛啾蚊蟲莊子所謂夜撮蚤察毫末晝出瞑目而

不見丘山是也瀋陽縣志食母不孝鳥也貓首鷹身故俗呼貓頭鳥又呼夜貓子

新民縣志

蝙蝠

爾雅服翼註齊人呼為蟻蠊或謂之仙鼠

毛之類

馬

新唐書俗所貴者率賓之馬北盟錄女真產名馬

牛

說文牛大牲也隋書百濟傳畜有牛五代史女真地多牛

羸

一作騾說文驢父馬母正字通羸似驢而健驢力在脾羸力在腰乘者隨其力進退之史記單于乘六羸

驢

玉篇似馬長耳正字通驢長頰廣額修尾有褐白黑三色以午及五更初而為協漏刻又云女真遠東出野驢

豬

爾雅豕子豬揚子方言豬關東西或謂之彘或謂之豕
又云北燕朝鮮之間謂之豨通考女真獸多野豬大金
國志女真獸有白彘

羊

說文董子曰羊祥也故吉禮用之詩傳小曰羔大曰羊
北盟錄女真多牛羊

犬

說文引孔子曰視犬之字如畫狗也爾雅釋文引字林
云狗家獸也周禮疏犬有三種一田犬二吠犬三食犬
通考女真地多良犬

貓

禮郊特牲迎貓為其食田鼠也

新民縣志

元

狐

埤雅狐性疑疑則不可以合類故從狐省新民產甚少
說文獸名象踞後其尾金史地理志遼陽府產白兔瀋

兔

陽縣志分白黑二色有家畜野畜之別俗呼為家跳山
跳

鼠

說文穴蟲之總名也廣韻鼠小獸善為盜淮南子云魚
食已豆而死鼠食已豆而肥

鱗之類

鯉

爾雅釋魚鯉註今赤鯉魚詩豈其食魚必河之鯉正字
通神農書曰鯉為魚王無大小脊旁鱗皆三十有六鱗

上有黑點文有赤白黃三種

鯽

廣雅鯽鮒也郝云鮒今之鯽魚本草形似鯉色黑體從腹大春隆杜公詩鮮鯽銀絲膾

鮎

蘇頌圖經鮎亦名鯪詩魚麗于留鯪鱧傳鯪鮎也蜀本圖經云有三種背青而口小者名鮎盛京通志身圓性偃無鱗生流水者色青白生水者色青黃

鰮

爾雅鰮鰮註今泥鰮疏穴于泥中

船釘魚

盛京通志長二三寸大頭濶口黃色有斑見人則以喙揮泥中

新氏縣志

蝦

說文蝦蟇也又與蝦通急就篇註蝦今之海蝦堪為酢脯及所呼蝦米者又所在水中小蝦可生啗若燭而食之正字通水蟲可食溪澤口海皆有之磔須鉞鼻皆有斷節尾有硬鱗多足好躍腸屬腦子在腹外

蟹

周禮爪行註爪行蟹屬疏今人謂之旁蟹以其側行故也爾雅翼蟹八跪而二螯八足折而容俯故謂之跪兩螯倨而容仰故謂之楚

蛤蜊

玉篇蚌蛤也國語註小曰蛤大曰蜃前漢書東萊贏蛤食物常足註似蚌而圓本草生東南海中白殼紫脣大

二三寸者閩浙以其肉充海錯南史王融傳不知許事
且食蛤蜊

羸

玉篇蟬屬爾雅羸小者蟪爾雅釋魚貝在水者蝨註肉
如科斗但有頭尾耳

蛙

一作龜說文蝦蟆屬本草今處處有之似蝦蟆而背青
綠色尖嘴細腹俗謂之青蛙

鼈

說文甲蟲也周禮註外骨為龜屬內骨為鼈屬

蟲之類

蜂

說文蠱飛蟲螫人者蟬雅蜂其毒在尾垂穎如鋒故謂

新民縣志

三一

之蜂也新民蜜蜂殊少惟馬蜂最多

蝶

說之本作蝶蛺蝶也齊物論莊周夢為蝴蝶古今注紺
蝶遼東人呼為紺幡

蟋蟀

詩蟋蟀在堂陸璣蟋蟀似蝗而小正黑有光澤如漆有
角翅一名蝥一名蜻剛楚人謂之王孫幽州人謂之趣
織語曰趣織鳴嬾婦驚古今注蟋蟀一名吟蛩秋初生
得寒則鳴

蜥蜴

爾雅蜥蜴守宮也說文在草曰蜥蜴在壁曰蝮蛭古今
注一名龍子一名守宮一曰蛇醫蘇恭云又名蝮虎

蛇

韻會毒蟲也左傳疏蛇北方水物百陽雜俎蛇有水草
水土四種爾雅翼蛇草居常飢每得食稍飽輒復蛻殼
冬輒含土入蟄及春出蟄則吐之新民產甚少

蜻蛚

揚子方言蜻蛚謂之螂蛉埤雅螂蛉飲露六足四翼其
翅輕薄如蟬

蠹

說文蠹尾蟲也玉篇蠹螿蟲本草一名主簿蟲一名杜
白

蜘蛛

揚子方言自關而西秦晉之間謂之龜蚤自關而東謂
之蠶龜或謂之蠶蚘北燕韓鮮列水之間謂之蠹蛉西京

新民縣志

三二

蛾

雜記蜘蛛集而百事喜埤雅蜘蛛布網如罾

玉篇蠶蛾也埤雅蘭生蛾又飛蛾古今注飛蛾善拂燈
一名火花一名慕光案新民無蠶蛾非蘭化是非蛾也

蠅

說文蠅之大腹者詩小雅箋蠅之為蠅汙白使黑汙黑
使白

蚊

說文蠛人飛蟲也爾雅翼蚊者惡水中子子所化嚙人
肌膚其聲如雷

蟻

說文作蟻蚘蟻也爾雅蚘蟻大蟻穴居知雨

蝻

說文蝗也陸璣疏今人謂蝗子為蝻子詩云嘒嘒草蟲

耀耀阜螽是也

馬蟬

俗呼錢龍又呼錢串子似蜈蚣而不螫人

阜螽

詩箋草蟲鳴晚秋之節陸璣疏草蟲一名負螽郝云順

天人謂之括括音如苛新民產俗名與順天同

螻蛄

揚子方言螻蛄謂之螻蛄本草一名天螻一名仙螻穴
土而居有短翅四足王云順天人謂之拉古

螟螣

玉篇螟食苗心蟲也詩去其螟螣及其蠹賊傳食葉曰
螣陸璣疏螣蝗也螟似野蚋而頭不赤

貨之類

新民縣志

三三

棉花

南史高昌國傳有草實如繭中絲為細纒名曰白疊取
以為布甚軟白史炤釋文木棉江南多有之春二三月
下種至秋結實熟時皮四裂中綻出如綿以鐵鉞碾去
其核以竹為小弓牽絃以彈棉令勻細卷為筒就車紡
之抽絮如縲絲狀織以為布李時珍曰木棉有草木二
種交廣木棉似木之木棉也江淮所種似草之木棉也
草種出南番宋末始入江南今則遍及中州利被天下
至王象晉云江花出楚絨廿而得五北花出畿輔山東
絨廿而得四浙花絨廿而得七又一種紫花絨廿而得

四或曰北地風高細紡不易今案盛京通志遼陽蓋平海城多種棉新民沙地非棉所宜然本地棉絨長而細不讓燕魯所產與海蓋產亦無優劣之別也

棉布

盛京通志機匠織家機布染青藍大紅諸色入貢案新民紡織昔皆女工間有機匠織者縝密勻細不如山東之布與江南之布較之尤遜其精好近年日本布充斥於市盡奪其利間有仿洋布織法用鐵機或改良木機者惟東三省無紡紗廠其紗仍購之日人故利入甚微今巡閱使張公籌辦紗廠實奉省實業之權輿也

新民縣志

三四

綫毯

正韻毯毛席也自洋貨流行各國以綫織毯以投時好於是國中毛毯製者日少新民教養局織工精研織毯之法毯成精白盛於洋貨銷售甚廣民國四年已拿馬賽會經農商部考驗給予四等獎憑

靛

即草類中之藍草

苧麻

李時珍云苧麻今之白麻也多生卑溼處人亦種之葉大似桐北人取皮作麻

線麻

即穀類中之火麻一名好麻雄者名牡麻雌者名苴麻苧麻今案線麻可為繩索有力苧麻無力但中為錢綸

耳

燒酒

李時珍云燒酒非古法元時始創今案新民燒酒純用高粱醞釀而成味甚香冽其他諸酒釀者甚少並見穀類高粱

豆油

已見穀類大豆案新民以豆榨油純用人工惟忠發和商號用機器民國九年忠發和停業無用機器者矣

豆餅

已見穀類大豆餅為糞地飼畜之用

麻油

已見穀類麻

醬

陶云醬多以豆作純麥者少

新民縣志

三五

醋

陶云俗呼苦酒今案醋多以酒糟合米釀成

鹼

六書故鹵之凝著者本草土人採蒿蓼之屬掘坎浸水澆起爆乾燒灰以原水淋汁入粉麩汁內久則凝如石可澀衣

瓜子

已見瓜類打瓜

毛頭紙

土人挫故紙擣抄楶以樹皮作紙名毛頭紙

蒲包

土人以蒲織包用以盛物

蒲扇

土人以蒲編扇精麁不一

草帽

帽多以麥藁編造精良不如內地所製

葦席 土人以葦織席或為簾箔

柳條 新民產柳甚富土人僅知以條製作農器無能為箱篋者間有作者亦不精良所產枝條遂多為外人購運以去

獸皮 羊皮尚有土人以之製服惟不如錦州精良其他各皮皆為外人購運出口

獸毛 出口貨之一

豬鬃 出口貨之一

馬尾 出口貨之一

新民縣志

新民縣志目錄

第十七卷

古蹟

城

塔

臺

津梁

祠廟

廠站

新民縣志

衙門

墓

碑碣

古蹟

臨巨流河之濱歛歛憑弔上溯千古下溯千古古人不我見矣
地處邊徼嘗淪異族古人既往滄桑疊更欲求其足跡所經而
一杼襟懷往往不可得也今何幸指點遺蹟唐宗故壘遠代舊
城歎豐碑貞賢潤碣尚有存者而遼河神廟清高宗實敕修之
一游一憇皆足以陶人幽鬱之思古蹟顧不重哉是不可以不
著也因詳志之以遺後之好古君子

城

大古城

在縣東南五十里村北有土牆一堵長里許厚五六

新民縣志

中古城

尺高八九尺土人相傳為高麗故城遺址

在大古城南十里原名半拉古城村北有土城遺址
圓如半規土人相傳唐太宗征高麗修此城及半而
去無可考信惟村人掘土時得高麗碗馬錢錢大人
骨箭頭等物是此城為高麗據遼東時所建當無所
疑

穿心堡城

在縣西四十五里今名營防城基為淤沙湮沒盛

京通志在廣甯城東一百六十三里週圍一里

遼濱塔城

在縣東北五十八里盛京通志在承德縣城西北

一百里周圍一里南一門相傳為遼時遼濱縣城故址

巨流河城

在縣東二十里盛京通志在廣寧縣東北二百三十里本朝崇德元年建周圍二里門三南曰拱固西曰鎮西北曰靖邊康熙二十年置巡檢司四十三年奉旨重修城南有古開城西曰郭家堡新民屯陳錫文曰乾隆年間重修金州協領林玉柱監修移北門作東門錫文營防旗人好讀書尤留心鄉土掌故

塔

新民縣志

三九

遼濱塔

在縣東北五十八里相傳為唐太宗征高麗時所建按太宗征遼今之海蓋遼復等縣實為戰場此處僻近邊徼必無北來之理塔之建築不在此時或在遼為縣時所建歟塔側有廟碑亦不詳

雙塔

距大古城里餘雙塔東西並峙中間相距五六丈塔身早亡只餘塔基磚石三四尺土人傳為高麗建築在縣東北小塔子村村東北舊有石塔一不知何朝代建築清光緒三十一年傾倒

小塔

臺

古墩臺

縣境古墩臺有三一在東炮臺子村西一里一在前
二臺子北二里高約五丈許面積一百二十方丈有
奇一在叨太堡高與樹齊方廣二畝有奇三臺土人
俱傳為唐代所建不可考也

一半拉臺

在縣南村西有土臺半拉高過屋脊傳云為古之烽
火臺書無所徵

章士臺

在縣南舊名章大人臺村北二里許有土臺一高大
餘臺上面積週半里許臺南下雨至平地有一小泉
狀如釜雖旱不涸相傳古有章大人葬于臺上至今

新氏縣志

邱隴尚可辨識惟章大人為何代之人及何時所葬
里中父老無知者

茨山臺

大古城村北里許有高原一寬約四丈長六丈餘名
曰茨山自生樹木成行遙望常有雲氣夏間果熟色
紅如火

津梁

柳河溝橋

盛京通志廣寧縣城東二百二十里雍正九年募
修隄道隨水勢建木橋數座乾隆四十三年經商民
捐修添修石橋一座木橋六座警察五區區官劉蔭

棠云區屬茶棚菴係前清京奉御路村東有石橋一座埋沒沙中微露橋形詢之鄉耆純皇帝東巡鑿興至此舉目恍覩雲龍之色因勅建石橋並立碑光緒初年柳河暴漲橋碑均被淤沒近年風吹沙散畧露橋之石欄碑尚在土中無從掘得按茶棚菴近在柳河溝志之所載與劉之所採修建年同是一橋也

巨流河浮橋 盛京通志在承德縣西南一百里乾隆四十三年高氏捐修

寺廟

新氏縣志

關帝廟

按此次採訪縣境關帝廟有十二一在雙山子清康熙元年建殿三間雍正二年咸豐八年同治六年疊次重修一在章京堡康熙十年建一在縣治前大街雍正十三年建乾隆道光年間兩次重修一在大三家子建築無可攷乾隆三十五年重修一在西高胡地乾隆二十六年建正殿三楹光緒二十六年重修一在縣治西大街山西會館嘉慶三年建一在後腰堡嘉慶七年建一在崔三家子嘉慶十三年建一在營防僧寶峯建築年月無攷道光咸豐光緒年間疊

次重修一在沙嶺崗子道光八年建殿三楹廊房各一在西破台子道光十四年建一在袁家窩堡同治九年建縣治前大街廟章京堡廟大三家子廟縣治西大街廟營防廟各有碑見後

觀音寺

在後營子清康熙十五年建光緒二十三年重修正殿三楹鐘樓一座

滲金寺

在大民屯清康熙年間立道光二十四年重修有碑見後

聖賢宮

在東破台子清初建光緒十年重修

新民縣志

四二

玉皇廟

在白旗堡

清真寺

有三一在縣治南街乾隆三十年建一在縣治北街道光十五年建北寺有碑二見後一在縣屬自治五區白旗堡光緒三十年建

巨流河神廟

在縣東二十里巨流河盛京通志廟在承德縣

城西一百二十里巨流河西岸乾隆四十三年奉勅建大殿三楹配殿四楹左右配廡各二楹左右耳房各一楹垂花門一座大門三楹左右羣房六楹碑亭一座有御書惠澤鍾祥匾額恭懸廟內

太平寺

有二一在巨流河清乾隆五十年協領林玉柱建一
在一半拉台道光十七年住持左良弼建兩寺碑俱
見後

火神廟

有二一在巨流河與太平寺同時建一在白旗堡建
立時不可攷民國十二年重修

施公廟

在縣治東大街泡子沿建立年月無攷據碑載為新
民屯巡檢某修新民屯設巡檢始於乾隆三十二年
廟之修築當在乾嘉之間民國九年地方紳商募金
重修碑二見後

新民縣志

四三

龍王廟

在縣治西街泡子沿建立年月無攷

保安寺

在公主屯建立年月無攷

五聖神祠

在網戶屯

會仙宮

在小塔子

山西會館

在縣治西大街嘉慶三年建有碑見後

城隍廟

在縣署後西街清道光初年建成豐元年光緒二年
兩次重修有碑見後廟為水害已傾毀僅正殿三間
遺址尚存

觀音閣

在縣治西大街清道光十五年建

柳河神廟 在縣治西大街清光緒三年新民撫民同知張錫

藩奉勅建民國五年新民縣知事廖彭重修碑二俱

見後

勸忠祠 在縣治東大街迤東清宣統元年王振畿建有碑見

後祠匾為前大總統徐公書統領陸軍步隊第四十

協潘矩楹題聯云捧檄而來瞻祠宇堂皇度晉豆邊

酬志士揮戈以起願澤袍敵愾共持干櫓捍陪都

廠站

馬廠 在縣之東北清初為牧馬地自康熙後漸墾成田南

新民縣志

至御路北至石佛寺東至舊邊站西至遠河

老邊站 清初設今廢東距省城六十里西距巨流河三十里

該站東半村屬瀋陽西半村屬新民

巨流河站 清初設今廢東距老邊站三十里西距白旗堡七

十里

白旗堡站 清初設今廢東距巨流河七十里西距二道井站

五十里 二道井屬黑山縣

衙門

駐防彰武台邊門防禦衙門 於清康熙十一年創設防址即

在門街設防禦一員領催四名甲兵三十六名於民國十二年撤廢

駐防巨流河

正黃旗佐領衙門一
驍黃旗佐領衙門一

於康熙二十九年由山海關移

設防址均在城內兩旗各設佐領一員驍騎校一員委官二員領催六名甲兵九十二名其正黃旗佐領兼掌路記亦稱路記衙門於民國十二年撤廢

駐防白旗堡

正紅旗佐領衙門一
正白旗佐領衙門一

於康熙二十九年由山海關移

設防址均在白旗堡東五里營防兩旗各設佐領一員驍騎校一員委官二員領催六名甲兵九十二名

新民縣志

四五

其正紅旗佐領兼掌路記亦稱路記衙門於民國十二年撤廢

右按以盛京至山海關清初設置八路路各置掌記佐領暨驍騎校委官領催兵計二百名連為一線北近蒙邊邊有門又各置邊門防守官兵數十人或百人聯為犄角聲援有恃變擾無虞又慮兵多乏餉則制採屯田民至無家則法先招墾當時旗署於整武外更兼理詞訟又使兵目承領征收名為領催此皆有清定鼎之初布置屯防裕餉安

民之碩剗豈意人亡政息徒法不行盛代之嘉猷
適成為後來之殷鑒有由然矣

墓

范閣老墳

在白旗堡五皇廟後古墓一塚巍然獨存土人相

傳為清初范文肅公文程之墓或又稱為文肅公子
忠貞公承讓之墓攷之通志文肅忠貞父子墓道均
有御賜碑文此墳今無碑碣是否范氏父子之墓不
敢論定

監正宜塔喇祖父母墓

墓在沉檀木石碣載滿文宜塔喇為

新民縣志

四六

前清何時人不可攷

監正宜塔喇生父墓

墓碑在所與前同

陳毓璵墓

毓璵清封中憲大夫墓在川心溝子村南

孫福彩墓

福彩清封武翼都尉墓在莊家屯

張洪典墓

洪典清封中憲大夫墓在馬家糖房村西

張茂墓

茂清封徵化郎墓在白旗堡村北

孫明墓

明清封武翼都尉墓在莊家屯

碑碣

清重修章京堡關廟碑

碑在章京堡康熙二十七年四月立不著撰碑人姓名畧云此廟建於康熙甲寅歷十八年因地震之變宇頽坦圯住持僧王祖寶目擊心傷募金重修工起于丁卯夏成于秋季又有光緒二十八年九月重修廟碑一五品頂戴高鴻聲生員王秉銓村人劉占山李芳春高恩印同立高恩波撰文並書略云是廟于康熙二十七年歷二百一十八年廟宇凋落適庚子亂作俄軍猝至土匪乘之鄉無甯土于是章京堡附近四十二村人衆誓于闕廟合練鄉團以衛身家遂迭破股匪禽渠魁氏各安業處之無驚事平咸感神恩醮資重修復修

新民縣志

四七

觀音閣一座會房三間廟前濬太平河一修萬善橋二

清重修大三家子闕廟碑

碑在大三家子乾隆三十五年四月立不著撰碑人姓名畧云廟年久傾圯村衆募資重修以報神功後于光緒五年五月復行重修並立碑撰碑人姓名亦不著畧云乾隆三十五年修廟前後殿各三間歷久壘剝木朽勢幾傾覆村人張凌閣趙玉堂倡議募資鳩工庀材復一新之神殿六間外復修鐘鼓樓二座前殿三間

清高宗純皇帝御製祭巨流河神廟文

乾隆四十三年原載石今亡

雙源遠引恬波徵効順之符四望增修肇祀肅薦馨之典啟
潤既彰夫騰蹟展誠宜飭夫專祠惟神稟德靈長施功溥洽
輸脈自鄧村以北派合西來通支當鐵嶺之南績宏東注奠
安流於沃壤彌覓襟帶之雄資利涉於名津共慶舟梁之便
念麻徵之顯著爰美報之虔申用鳩將作之司祇崇棟宇特
舉維新之祀恪奉几筵神具肝饗時通滋生晉被攬璇圖之
煥采式鑿懷柔春雕俎之升香丕昭乎佑庶其歆格勿替精
禋

清高宗純皇帝勅建巨流河神廟碑

新民縣志

四八

雙源濬發東西溯遠派之連三汊會同內外綜全遠之勝廣
涵滋於奧壤禮洽無文宏利涉於鳴鸞結昭有秩惟巨流之
演漾襟京邑之浩穰象儷天津靈流地脈左通白嶽克爾素
北繞以同趨右接潢河科爾沁南來而並軌屢分屢合入遠
之支絡可尋有委有原到海而朝宗是戡安市襄平之故蹟
注疏雖疏句驪杓柳之殊稱波瀾莫二我國家龍飛出震燕
翼詒豐太宗文皇帝創築開城控洪波而屹鎮聖祖仁皇帝
肇興海運資通漕以將輸朕三謁珠邱載過鏡涇酒百年之
澄晏祖澤長欽肇億禩之基圖鴻功斯溥粵以乾隆戊戌勅

建新祠建庚子冬司工告竣俯臨浩瀚高挹峻嶒擇爽塏以
裁基飾棟榑而妥祀當日師行枕席靡唐宗新土之勞今茲
渡穩舟梁兼鎬邑田疇之利帝鄉賽報歲時之肝蠻潛孚王
氣扶輿輔甸之靈長永護大清乾隆四十六年 月 日

清高宗純皇帝渡句驪河詩

詩刊於石與御製之碑同立於河神廟中

志稱今遠河乃古之句驪拘柳及巨流訛傳日以滋合流東

入海其源頗可稽

感京志稱遠河即古句驪河也一作拘柳河謂是拘柳河合流之處今作巨流河

源有二其一自西北來者遠不可考其一自東來者出長白山西北諸窩集中為克爾蘇等河合而北流出邊西北繞鄧子村又西南折與自西北來之河合而為一入邊經鐵嶺縣北入雙陝口分為二曰內遠河外遠河繞縣之西南復合而

新民縣志

四九

為一至開原城為巨流又經海城縣西與太子河會謂之三汊河入海此河左右即遠東遠西所由分也夏霖或泛

漲旁侵多淖泥崇德闢坦途王政不謀齊

河左右百餘里每遇夏雨泥淖難行

崇德三年太宗命修盛京城外至遠河大岸寬十丈高三尺兩旁掘濠以便行旅康熙五十八年雍正六年疊次興修遂成坦途成渡此初于瀕河高阜處所專建河神廟以昭靈佑百年無敢廢修治遵前規戊

戌此經渡命建河神祠即今棟宇煥辦香落成之惟希明佑

昭兩京運亨達乾隆四十八年歲在癸卯季秋月上浣御筆

清新民屯新安設柵欄更房碑記

乾隆六十年立碑在縣治大街關廟前

自古郡州縣莫不設立城郭謹闕閉者蓋所以固封守而奠安民人察姦宄而杜絕覬覦者也新民屯一處為□□□在

遠地實為□途西當錦州東入瀋陽北貼邊條南通遼海商
賈輻輳人煙稠密雖非郡州縣之地而類聚□□□□過馬
其中不無奸宄潛處時生覬覦者既無城郭為之防閑則貿
易居民何恃不恐本分司於去冬蒞任斯□□□□來勤□
□□幸安堵無事然思所以安輯其民人而使之長久晏然
無虞者莫如安設柵欄置守更夫庶雞鳴狗盜之流不得逞
志也爰進屯商民而告之故咸各踴躍捐輸恐後鳩工庀材
於南北大小衙街樹木為柵欄夜即鎖閉□人出入東西大
道街上兩頭中心各設更房通設舖戶每更房設立更夫三

新民縣志

五十

名□派差役二名晝夜巡緝不兩月而告成屯之中無城郭
之崇峻而不異城郭之安□矣經營雖始於本分司而成工
實在士商所有物料工價以及街坊捐錢俱□現年舖頭趙
君弼等□□□約計上中下三等舖戶共捐關東市錢二
千餘吊除支用外尚存四百吊本分司□□□者之難以
善□□□風雨剝□□補之□□事公捐不免道旁□室
□□□以所存錢文發交輪年□□□分領生息
□□□粘補更房柵欄之□□□每年結報本分司官
署存案不可將此項借別件公□□□動用□石以垂永久

並捐資姓名於後一以見商民等樂成此舉之由一所以
防侵食 為長久之計嗣後 庶幾安

雞鳴狗盜之患又何異城郭之固封守而奠安也哉易曰
設險守國詩云未雨桑土 斯土者具 之奉天

廣甯縣新民屯分巡司江蘇陽湖管景牧記

清巨流河太平寺碑

碑在寺內嘉慶三年二月立山西參客武君重姚子亨孫繩
武孫濟川白渙然江西參客程煥章孫岷南同泐石無撰者
姓名畧云總理旅順等處海口嵩管水師營三品協領加四

新民縣志

五一

級記錄三十一次林玉柱於乾隆五十年在巨流河佐領任
內修理菩薩大殿三間山門三間娘娘大殿三間廊房九間
鐘鼓樓二座工程浩大募財不繼適參客武君重等過巨流
河虔禱于神捐貲助工工賴以竣而參客獲利自茲益厚咸
謂為神佑因泐石記事

清巨流河火神廟碑

碑在廟內與太平寺碑同時立廟為林玉柱修碑亦晉贛參
客所泐

清新建關帝廟碑記

碑在縣治西大街山西會館嘉慶三年八月立上半尚完下半磨滅不可辨識文末有廣寧縣縣學數字學字以下石損不能摩搨疑必為教諭或訓導職銜下列姓名為撰碑之人後二行載盛京蒙古協領額倫泰施銀五十兩整盛京漢軍右翼協領趙澍施碑二碣其記畧載晉人卜地建廟報饗神祀瑀楹繡瓦丹棟榑梁規模極為弘整云趙澍施碑二其一不見頻罹水災今早亡矣

清崔三家子闕廟碑

碑在崔三家子嘉慶十三年七月立盛京工部主事陞鑾儀

新民縣志

五二

衛主事晉保撰文文多引用三國演義俚俗不可卒讀惟記香火地二十日由本村收養地六十日內撥出足資考證

清重修營防闕廟碑

右碑立于道光元年九月不著撰碑人姓名碑末列銜藩陽左翼協領兼世襲騎都尉加四級紀錄十九次何藩牛莊正白旗防禦加三級紀錄十五次德貴奉天承德縣知縣加六級紀錄十三次胡紹祖正白旗四品宗室雙惠奉天承德縣宣武都尉張廷烈二道境郵政所加三級紀錄十二次李天祥文畧云廟創于僧寶峰其徒際成了義守之了義圓寂衣

鉢無傳兩旗官署議同會衆別邀昌黎僧性天住持之性天
因廟宇摧殘爰請于旗署募貲重修同時別有一碑僧性天
立石工將功刊碑未列銜白旗堡掌路記兼正紅旗佐領事
務加四級紀錄二十七次都隆阿白旗堡正白旗掌圖記佐
領加三級紀錄九次鐘陞白旗堡正白旗驍騎校加二級紀
錄五次劉芸郊白旗堡正紅旗驍騎校加三級紀錄六次衣
通安白旗堡正白旗原任驍騎校加二級紀錄五次安都部
瀋陽正紅旗驍騎校加二級紀錄十次德謙碑亦未泐撰者
姓名文亦平無足錄迨後咸豐二年八月此廟又經住持僧

圓志圓慶募化重修立碑二碣一碑列銜白旗堡掌路記兼
正紅旗佐領加二級紀錄十三次輔尼雅翰白旗堡正白旗
佐領加二級紀錄十四次哈福約白旗堡正白旗驍騎校加
一級紀錄九次胡聚武白旗堡正紅旗驍騎校加二級紀錄
十一次恒謙一碑列銜原任白旗堡正白旗佐領顧全昇瀋
陽正紅旗佐領加二級紀錄十六次董廣和新民屯撫民分
府同知袁慶瀛瀋陽正白旗宗室慶英兩碑撰者姓名俱未
泐載文畧謂重修之舉倡始顧君計成正殿三楹配房四楹
云後于光緒元年五月復經修廟立碑文畧敘重修始末而

已此外又有一碑不載立碑年月按其文當為光緒五六年
開刊立撰文人盛京滿洲附生明哲書丹人文童潘文藻石
工梁海泉文畧云白旗堡正白正紅兩旗委官領催兵丁二
百名原經奏設伍田界限於乾隆初年載在圖案設立封堆
並無紅餘地畝錯縱其中除積水溝坑外實有牧廠三萬七
千八百餘畝與隨缺官地一律不輸租賦復經奏明于高阜
處所准令兩旗兵丁認墾閑地五千三百九十五畝八分詎
嘉慶初年被水冲兩次報銷地四千七百六十五畝八分十
九年飭經覆查僅存地六百三十畝每畝徵銀四分按年在

內庫輸納無如歲時既久圖案空存風雨摧殘封堆不整隔
段者縱其狼貪近畔者任為蠶食地幾盡數不保迨光緒三
年掌路記佐領常明正白旗佐領李秀正白旗驍騎校奇明
正紅旗驍騎校金世達查核兩旗伍田知非整頓不足以固
兵食于是遍閱先年圖案按圖勘界凡被侵佔之地概令退
出遂將前銷地段于次年墾復二千餘畝請蒙覆准復將伍
田四至分距長寬里數重掘封堆立石棊特撮顛末勒諸貞
珉以垂永久

清生生不息碑

碑在公主屯保安寺前道光三年七月立復州庠生鄒豹撰齊法周書其文略云公主屯有荒地尙為屯中牧養嘉慶十八年有人首報開墾村衆與訟終斷為本村牧養不准私耕嗣教罕旗王施為保安寺香火地旗民人等因尙鄰近三十餘屯募化補助香火住持張合孝復將此地退交村衆仍作牧養並以隙地作義塚收葬客民村衆恐後年遠再因地肇釁故為文刊石以示來茲

清一半拉台太平寺碑

右碑立於道光十七年四月文為本寺住持登州左良弼自

新民縣志

五五

撰畧云自嘉慶十八年住持寺內自種寺地二十餘年勤儉居積頗饒餘財因將廟宇增修補葺碑末云行善原居第一門善心誠篤道心存人能下得菩提種碧藕金蓮自有根

清重修闕聖帝君廟碑記

廟在縣城南街

道光十九年歲在己亥清和之月新民屯闕聖帝君廟厥工告竣誠盛事也畫棟雕梁現雲龍之氣象丹楹刻桷駐日月之光輝經理諸公以其先無碑誌而欲勒石以彰聖德咸請記於余余以為帝君心印尼山義參天地擬之莫可擬名之無能名豈管窺之見所能進一辭謹考磬匾所載建自雍正

十三年至乾隆中年而重修焉商賈公立銀市於其內其始
也有七聖殿娘娘殿未祠元壇有鐘樓無鼓樓併無佛閣及
年深日久殿廊雖仍舊而鐘樓傾頽其鐘用橫木架焉木朽
則屢落將落輒自鳴於是仁人信士各輸資材縉紳商農共
勸盛事鐘樓與佛閣併建聲聞西國殿廊暨元壇同修靈應
東方起自戊戌成於己亥一歲之餘工即告竣是固賴聖神
之默佑而諸公亦費經營矣至若權司寶藏元壇之威護也
比象蓮華諸佛之秘藏也翊我邦家社稷七聖之普照也保
我子孫黎民娘娘之慈庇也皆可與帝君流芳千古永垂不

朽者又何必擬之名之哉因謹舉事徵理原始要終率筆而
為之記

右碑今在廟內碑未載優行廩膳生員析餘弟子陳耀卿
敬撰奉天府新民廳信士弟子王永清敬書經理人王閔
甲李泰楊維淑萬盛天泰號裕生號興聚號恒義號永興
當興利號公成店永吉棧廣成號廣勝當恒發店魁順店
盛聚號西廣成德玉號同德號敬立

清遼瀆塔廟碑

碑道光十年四月立盛京滿洲鑲黃旗廩膳生戶部筆帖

式喀達郎阿撰文德克得理書丹文畧云遼濱塔處西封拂
涅國唐建遼濱縣其制雖廢遺跡猶存迄今巨水滄流崇城
似蓮峯拔地諸山環拱寶塔如文筆揮天實為關外名區是
以百餘年來人煙輻輳田壤縱橫武尚鈐鞞文敦絃誦日臻
上化村故有二廟不知創始何年鄉人春祈秋報所也廟有
香火地若干招佃食租復有屯中牧養地三十畝專作本村
差徭並設渡備船之費前於乾隆五十一年鐫碑記牧養事
為詳歷年既多風雨摧殘碑字剝落殆盡村人公議更立新
碑爰為文勒石以昭永世按遼濱縣實建於遼史冊可徵並

非唐世所建且謂其地為拂涅國考之前史亦無明文喀君
撰文不知何所據也

清重修參金寺碑記 癸卯年道先二十四年四月立

茲寺之始建也肇於康熙年間信士劉慕劉景劉煥施舍地基
同會首趙文魁任守義草創規模覆之以茅僅庇風雨名之曰
大悲庵逮乾隆丙子會首楊士觀等十三人募金重修始易以
瓦焉遂更其寺名曰參金至乙卯歲垂四十年金彩剝落棟宇
傾敝復有會首劉敬揚士良劉喜張國魁重修屈指至今又四
十餘年而重修之工適克告竣此棟宇

壯麗矣雖非給孤獨園之布地黃金虔心選佛或亦震旦淨
土之麗天慧日吳力通神轉大法輪神光普照現無生相淨
業常明所以刻栴丹極不敢因陋就簡聖仗飾精非云蓮事
增華帝德紹麟經威風鎮乎東土佛慈垂象教德雨注於西
天假四大以為身定三分而賞恨遂令千古之下廟食遍於
寰區百世而還裡祀逮於黎庶一新祠宇固人有同心萬姓
瞻依洵羣無懈志聊綴數語樹之豐碑以誌不朽云爾

碑末叙劉煥等施捨修廟地基一所前東西濶十二丈五
尺五寸中濶十二丈三尺五寸後濶十五丈零五寸五分

廟前路南東西濶十一丈五尺南頭東西濶十一丈五尺
四至灰椽為證督工會首鄉約劉可達何文尉保正卜慶
升劉可訓陳萬儒劉可安楊安吉郭彩田萬頃李志有李
德福楊成林馬騰雲陳惠住持保通

清網戶屯五聖神祠碑

碑在本村廟內道光年間立無撰者姓名碑畧記村眾醮錢
九百吊用保長王廷名義買覺羅鑲黃旗滿洲永哈佐領下
閑散倭什渾伯祖巴達海名下冊地一段七十二畝坐落白
旗堡界葡萄坨子此項地畝作為廟費暨公用永由本村保

長接替經理並非王氏私產

清重修城隍廟碑 在縣城後街

右碑咸豐元年九月立新民屯撫民同知袁振瀛督修從九品張得衆監修臨榆縣學生員劉桂枝撰文並書經理人李遇春段文遠趙潤田住持僧界寬界潤率徒定悅定愷叩募又一碑立於光緒二年七月欽加運同銜賞戴花翎題補金州海防同知署新民廳撫民同知童恒麟督修豐潤縣學廩生孫道隆撰文承德儒童曹輔清書丹經理人王明俊鄭克恭張春齡兩碑文俱淺陋無足重惟新民自光宣之世頻遭

新民縣志

五九

水患迨民國四年柳水橫溢縣街淪陷城隍廟亦沒於水水既落垣宇門戶一無存僅餘正殿棟梁傾欹未盡落覆瓦則皆破碎神像亦剝損殆盡未幾縣設農會於正殿前別修房為會所正殿後平其瓦礫為農會林園於是數十年舊立城隍僅遺基址因兩文足資考證特錄存之其一文曰蓋聞銘諸鐘鼎以誌功勳勒之貞珉以昭創設古今來欲流芳於後未有不鄭重其事於前也况陰陽一道幽明一理是非曲直終有辨循環報應總無私不更令人踴躍赴義輸誠敬以尊崇乎茲我新民分邑作郡雖泮宮未立學校之教未修而隍

廟早成因果之理顯見奈歷年以來風雨摧殘正殿不可以棲神兩廡不可宿客山門頽敗觸目者傷心前柱摧折旁觀者悼嘆所深冀有為之後者嗣而葺之庶幾可復壯觀茲幸矣領袖有人資助有人殫誠董理者又有人協力同心經營振作寢宮新建廟貌輝煌鐘鼓甫陳樓勢壯麗其他因舊而更新者盡如昔年之創始也今藉捐施之力以告成又患淹沒而不久故畧序其事又從而祝之曰乃聖乃神作威作福資守牧永定家邦庇紳士名登天府倉箱有慶於編氓利益無疆於商賈其二文曰且夫廟者貌也所以彷彿神之容貌

也碑者被也所以豎石紀功德被民生也秦漢以來相傳已久况我撫民廳舊有城隍廟因果昭彰遲速之報應不爽貞邪舉念善惡之到頭終分感而遂通威靈顯著神道設教古有明徵溯自道光初年新建於廳治北偏後經風雨摧殘頽敗不成冥府至道光十七年粘補嗣於咸豐初年乃復重修及今又多歷年所前後殿既不可以安神東西廊更不能以止容本廳等願開廣大法門因而懇求慈悲信士燕集商賈鳩聚工人雜然歡愜展也大成遂督本署各房輪流董理操辦堅修計廟內前殿後殿塑畫聿新東廊西廊門庭換舊依

然鐘鼓二樓列於兩旁周圍羣牆羅於四面象情感戴土木奮興負圖荷挿于橐于囊登登憑憑是板是築自春伊始不數月而告成矣於戲豈非神靈默佑而能如是之亟且速哉爰為之序其事紀其功勒諸貞珉以開來世庶幾廟貌常隆於千古也云爾

清新民廳柳河神碑記

古者聖王制祀能禦大菑則祀之能捍大患則祀之祭法曰山林川谷邱陵能出雲為風雨皆曰神則凡有功德於民者宜獲俎豆馨香之報矣新民廳屬有柳河其源出自蒙古教

新民縣志

六一

漢旗由彰武台門入廳西界每當夏秋之交流沙急湍勢甚洶湧雖遷徙靡常漲落無定而田廬素鮮漂沒之患行旅從無阻滯之憂廳之人每逢亢旱潔誠祈禱無不立沛甘露久著靈應光緒二年署同知劉令懋勳據紳耆李如栢佟永安等聯名呈詳請立祠加號以答神庥前署將軍刑部尚書崇文勤公實奏聞於朝經禮部議准立祠內閣撰擬封號奉硃筆圈出顯佑二字以為神號三年冬張令錫藩攝廳事下車伊始勸諭興修神廟商民集資修築閱半載而事觀厥成嗚呼積精為神積爽為明明則無不誠誠則無不靈憶於光緒

元年岐元偕崇文勤公奉命東來查辦事件行至柳河正值水勢漲急文勤臨流默祝頓息狂瀾是神殆欲故顯靈奇藉欽使之入告而得列於正祀也今帝加褒美而封號錫矣人酬靈貺而廟貌崇矣伏願神靈益彰顯佑俾河流順軌而商民永迓神庥□□因廟之落成承修者請給碑文因叙其緣起而飭現署廳事馬丞宗武勒諸貞珉俾後之人有所□核焉是為記

右碑在縣治西大街河神廟光緒六年正月二十八日立碑末題名盛京將軍總督奉天等處地方軍務兼奉天府

新民縣志

六二

府尹宗室岐欽加二品銜奉天府府尹行巡撫事松經理人王明□
鄭克恭按文為岐公撰岐公名岐山松公名松□

清重修保安寺碑

碑在公主屯光緒三十二年三月立維縣庠生王瑞年撰並書文畧叙重修事

清新民縣北清真寺碑

碑在縣治北街光緒十年三月立無撰文人姓名碑畧載某人施舍地基修理寺院嗣經會眾置買園地等項別有前任遼陽州寶山馬公施舍義塾地一段俱有紅契文約於光緒

七年春將契約一併送請撫民廳談公批准存案因勒碑以誌其事云後於光緒十六年秋季又立一碑文益俚俗畧云寺於道光十五年經金國治安起恒馬剛創立同治五年十年又經張樹臣統領馬寶山明府哈伯琴總戎捐助歲修並施義園後疊遭水災廟宇失修本年頭項安克顯楊建文馬登鰲同安鳳翔稟請撫民廳馬公宰癘病菜牛每頭除南寺刀錢七百文外加錢二百文津貼北寺又經直字營張伍營馬倡捐同鄉老金廷柱安克華邀請本任韓阿訶監理歲修殿宇煥然一新是以公同勒石以垂久遠

新民縣志

六三

清白旗堡建立牧養碑文

碑在本村玉皇廟同治十一年七月立撰碑人姓名未著錄碑末列銜白旗堡驛驛丞加三級紀錄二次張全齡住持僧明亮會末人里鈞馬超驥孫輔弼劉德唐福全周德里鏞柳遇春王興郭珍王金唐功閣起夏振安碑文無足存錄畧載御路南白旗堡驛舊有荒甸一處為堡牧養牲畜之所自乾隆四十三年請准立案周臣九百畝蘇良善七百二十畝歷年封納國課無欠先是事載玉皇廟匾額世遠年湮木匾損朽公議勒碑以示永古

清東破台子聖賢宮碑

碑二俱在祠內同於光緒十三年七月立一為王家梅撰並書一為王樹藩撰並書趙連珠錢廣兆趙廣慶王福祥苗鳳錢德山王萬良錢廣仁趙有貴監修文畧云廟建始不知何年道光十九年錢永福趙連枝等重修至光緒十三年村人王萬祥復募貲修葺

清勸忠祠碑

從來盡忠效命為臣子之至榮崇祀明禋乃朝廷之曠典歷觀往古暨近今各強國凡身歿疆場功存社稷者莫不崇其

新民縣志

六四

祀典饗以牲牢其用意至深且遠我朝以武功開基德邁前古舉凡擲沐元勳躬冒矢石捐軀之臣亦皆優建專祠以妥幽靈法至良意至美也光緒丁未夏五月欽差大臣東三省軍督部堂徐菊人尚書奉命督東下車伊始首先念夫陪都重地逼近強鄰非厚集兵力無以保主權而固邊圉爰乃上疏陳請由近畿陸軍五六兩鎮抽撥步馬礮工等隊編為混成一協命畿率領出關駐紮遼西新民郡以資捍衛本協到防後我督帥仰體朝廷軫念士卒之至意厚予饗糈以勵勤苦添備皮服以禦嚴寒建造營房以蔽風雨廣儲醫藥以重

衛生遇有因公捐生疾歿傷亡者莫不思遇有加卹賞周至似此激發衆志鼓勵軍心凡有血氣之倫袍澤之誼固已聞風興起視死如歸矣然猶慮及烈士殉名或沒世而名不顯英雄赴義或身後而義不彰乃命畿在營垣附近擇地建祠以慰忠魂即命名曰勸忠祠凡屬陸軍軍人在營積勞病歿及戰歿殞命者悉准列名其中春秋致祭畿奉命後當即督同升任步十八標統帶官劉正參領富有二十四標統帶官范正參領國璋在新民郡東端勘得祠址一所計地周圍三十二畝有奇並承新民府管洛笙太守慨為購定爰於己酉

之春鳩工庀材請款興修計建正廳三間配廳六間大門三間二門一道並以正廳專設官位配廳專設兵位俾判等級而昭秩序如遇奮戰陣亡之兵亦准升入正廳以示優異至附祠餘田專歸常川守祠者贍養之資是祠也東連營市西接府郊遠水環其前鐵軌枕其後地勢高阜且當要衝雖規模粗具未能與錢塘武廟媲美後先而祠宇蔚然魂魄有依亦足為既死者榮而生者勸矣茲當祠工落成全協寅僚請記於余畿倉皇鞍馬愧不能文迫於義不容辭遂援筆而書其事於石倘後之繼斯任者或更擴充而增備馬俾我國家

愛士之心督帥恤兵之意得歷百禩而常昭是尤畿所企望者耳是為記宣統元年歲次己酉春二月既望統領陸軍第一混成協都統王振畿撰並書

清重修會仙宮碑記

碑在縣治北自治第八區小塔子廟內光緒二十六年四月立廩生桂森撰並書

清山西會館碑

碑在縣治西大街會館內宣統三年八月晉商義興永富通元德成成聚成遠萬興泉劉善亭杜連中張廷芝賈榮五武

新民縣志

六六

玉璋公立新民府議事會議員藍翎五品頂戴奎文閣典籍樂亭王國弼敬書文畧云會館建於乾隆年間年久失修繕葺無資爰於附近購置良田數天厯年封納銀米二十三畝每年蓄資若干存儲富商以備歲修之費稟官立案示與廟產有所區別謀諸公衆勒之貞珉以垂不朽

重修柳河神廟碑銘

新民柳河源北出蒙古自彰武南流入境並其西部而東南注遠其水漂悍湍疾歛飲砂礫不通一途初自單家邊西流距縣可三十五里其後屢徙益東北縣五里而近東曰小黃

旗堡西曰茨榆崗河徑其中京奉鐵道自其西南端橫截中流衰東北上若束帶然乃為多橋以通水橋之號為五十二繼次為五十三若四此三橋者當水道皆在縣西其五十五號橋不當水道則在縣東少北新民於清季始建府治無城郭重閉而瀕於河歲秋水潦往往漲溢衝巷淺則病厲深可容舸前太守金公梁障隄植柳其上不圻益牢民賴以寧宣統二三載河患間作而堤防如故民國四歲乙卯孟秋霖霖暴注洪流稽天河決杜家屯冲毀鐵道數百丈瀕泮東潰駭撼郭邑屢市淪胥其溢出者四畝原堦沉濫無涯都災區二

百八十餘屯災戶二萬有奇蕩沒田園廬舍不可勝數知縣事廖彭呼籲告災大吏震駭戒備非常當此之時人爭為計策鐵道工程司摩勒則謂水已東趨宜棄故道引出五十五橋南而注尚武橋以入遠濟遠工程司秀恩則謂宜徙單家邊西流循白旗堡舊跡則河患永寧無有後殃道尹榮公厚則謂取東道者治標而已河自西沛流而東巨縣之北帶其三面狀若玦環設再潰者為禍益烈而前之說避矣然按其故址埋廢已久工難而費鉅卒難為功治之莫若中道宜中道者五十二橋中泓之道也摩勒又以謂大勢西北高而東

南隕下水性就下宜東道便榮公又以謂東道下流當陸師營壘之衝其旁民屯數十皆殫為河軍民怨咨不如中道便摩勒又以謂中道陂度約五千尺低一尺不足暢流其下常渾浚而不急迫易為壅滯不可以久久必復潰治之無益不如東道便榮公又以謂陂度誠病然溢者涂之陂者陟之宜若可為治余不忍軍民之載胥以溺請徙中道於是前鎮安上將軍合肥段公芝貴上其議於政府當是時奉省海災公無羨餘治河之費將部帑是賴而交通部主東道內務部主中道財政部兩寘之無所裁擇議久不決段公乃命榮公馳

傳入都彭與邑人榮凱實從偕詣部會議抵掌畫席衆難庭謀卒從中道之請協定部款而歸爰始興事終以底輯安利新邑之人莫厥攸居者榮公之力也遂以命彭董其役凱為監修廼圖廼鑿既疏既穿自杜家屯壘溜為隄南抵五十二橋接於張家岡盡遠為竟起北訖南長二十有五里掘土二千八百三十萬方尺算緡銀幣二十萬又二百八十六園公帑所弗給今督軍張公作霖復輸私財鉅萬完繕之以歲丙辰夏五月經始逮秋九月而告成功方役之將歲一夕甚風淮雨壅漲搏流囊崩口處幾復決彭凱焦勞懇恐櫻疾若狂

榮禱神祇精誠冥合宣防既塞萬福畢來蓋柳河之有神廟肇始於光緒初年敕封曰顯佑之神祀式祝號繇來已舊今茲虔祈於神禦苗障患如響斯答保我黔黎釋咨畢恬在役執事其敢貪以為功歸美神靈孰謂不宜因相與重構斯廟於其落成之日微榮公蒞祭用揚神庥彭等重念斯河災害之烈與夫經畫之艱思述其原始以詔邑之人與後之守斯土者而示以毋忘榮公報曰可乃刻碑於廟而屬廣生為之

銘銘曰

汭汭河源發於漢野襄陵轉石百里一瀉匪神司之孰崇禱

新氏縣志

六九

者靈旗來思雲車風馬神恫茲土昏墊在下哀我殫人亦越於寡廼相厥功沉災澹灑坊與水庸是祝是報報之蒸嘗奠以崇房刊石銘討以肆于雅

貴筑廖

彭篆蓋

抗縣鐘廣生撰文

撫順郭逢春書丹

中華民國五年十二月

右碑在縣治西大街河神廟前前大守金公梁字急侯杭州旗籍進士現官農商部秘書當其為府悃惓無華純然儒吏

能文章善考據所著述頗富道尹榮公厚字叔章京旗人現官黑龍江財政廳長榮公官奉天幾二十年賢良之聲一時無能出其右者廖彭字錢如現知鐵嶺縣事曾三任新民榮凱字佩卿縣人旗籍現充奉天省議會議員任地方事最久有名於時鐘廣生字德盒光緒癸巳舉人現充吉林督軍公署秘書新城王晉卿先生高弟善為桐城之文能不為其所囿著此文時實佐榮公幕中錢如知事澆為之也

重修施公廟碑

碑二在縣治東大街泡子沿廟內民國九年五月立一為前

新民縣志

七十

起居注漢主事劉煥書撰一為府學廩膳生馮舜生撰俱鄭銘勳書碑末題名桑玉書張義振何星源王鵬齡孫福堂孫集義方中和孫福來李興仁方向陽丁文普李俊卿于省三張蔭棠其一文曰吾新之有施公祠由來舊矣相傳新民創建伊始巡檢某有疑業弗能決公示之夢業始結自此立施公祠報神佑也語雖不經而父老言之鑿鑿似亦有可信者不然南省江泰淮揚皆有專祠公益任地也新民僻處一隅公生平足迹所未經何為祀之百年而人心嚮慕之無已乎此其說必非無因矣公諱世綸字文賢清襄壯公仲子也兄

為襲封三等侯世范弟為太子太保勇果公世驃一門忠孝
奕代流聲亦可云父子繼美者矣公性警敏聽斷如神自司
牧游至大吏清白自持始終如一康熙二十四年由任子授
泰州知州州瀕河治河欽使從官某倚勢強娶州民已聘女
為妾民訴之公立判還不以欽使故稍有遷就也二十七年
湖廣兵變援勦官軍沿途騷擾公籌餼以應之立法以禁之
而兵卒不敢肆此與段太尉服郭晞事前後如出一轍守揚
州日冶游者斂跡歲饑修范公堤以工代賑全活揚民無算
調江甯日以父憂去官百姓留之不乃人投一文錢建雙亭

於府署顏之曰一文亭則公之遺愛在人可知矣湖南自
丈量後里役雖免而正供外有徭費歲漕外有京費公為布
政使日革徭費減京費楚人口碑載道至今不衰尹順天日
令行禁止畿輔肅然雖貴族懿親亦皆畏避不敢為非當其
守揚州也仁廟南巡召對良久顧謂左右曰此天下第一清
官也則聖祖知人之哲與公受知之深概可見已後擢升漕
運總督以勞疾薨於位惟新民之有公祠歷百餘年歲庚申
紳商董事以棟宇圯毀謀重新之亦咸舉也工既竣屬余記
其事余不文曷敢記公然亦新邑一部民也又不敢辭故撮

拾舊聞俾勒石以垂永久云其二文曰施公諱世綸字文賢
晉江靖河侯襄壯公之仲子也清初由司牧起累遷顯要所
歷江泰淮揚等處治績昭然最卓著者維江甯之任民建雙
亭治關中之饑民築生祠至江佐一帶祠為之遍即此可想
見公之流風善政焉公廉明正直聽斷如神除暴安良不畏
權貴清帝南巡召對之間褒為清官第一公復著召南堂等
集灑灑萬言凡奏疏之言闕政治者不可枚舉總之吏治儒
修文事武功一人兼之吾邑建公祠不知始自何年相傳經
縣佐創修曾因有靈異之事惟其說近於誕而亦不必求其

詳也夫世之稱清官號賢宰者往往立祠建碑代不乏人然
不過炫赫一方誇耀一時造人往風微而欲求諸異地徵諸
異時猶能稱道弗衰啟後人景仰者百無一二况施公仕於
清初去今已遠且生平宦蹟未嘗一臨東土乃吾鄉人士觀
斯祠年久失修尚不忍令其傾圮於是募款興工共成義舉
乃工未竟而款已集可知盛德感人無遠弗屆仁聞物望歷
久彌新如施公者可以昭示來茲矣今廟貌重新復望諸神
像環列其間工竣建碑燭余為文因將施公之事實與建祠
之始末臚陳而畧誌焉願後有親民之官不徒求炫赫一方

誇耀一時是則為吾鄉人士建詞之微意也夫劉煥書字子丹見人物志馮舜生字觀虞負文名於一鄉善醫尤著梁玉書字素文見人物志清季為新疆財政監理官頗負時譽好收藏古書物所存六朝唐人寫經最多張義振見人物志何星源即前書信孝子碑者也孫福堂字筱田現充中區教育會長此次修志任採訪者也孫集義以次諸人都本縣士商任修廟事者

清世祖御製忠義公圖爾格碑

國家肇造鴻圖擲風沐雨宣力效忠翳虎臣是賴故生勤寵

新氏縣志

七三

錫段與表揚公侯干城渥以典禮所以傳其豐功偉績至於久而不衰也故忠義公圖爾格養勇無敵忠蓋不渝襄從太祖屢著戰功翼祐太宗戰山左扼關門逐錦杏身受重創瀝血疾趨惟爾庸特後下青齊克名城悉滅渠魁先登後殿力保御幄惟爾庸勞期爾共享太平股肱是寄而爾因創疾發早逝侍皇考於九天矣朕惟追憶前勞悼念無已雖恩卹屢加朕心猶歉特諭禮臣請勒石銘勳昭垂百世嗚呼忠貞世篤賞延於後其所謂文武為憲者耶爾英爽昭著服茲寵休垂示後人庶幾識朕報功之典永永勿替云

胡氏墓碑

右碑文得之於大民屯卜氏卜譯姓忠義公後裔也

碑在二區胡家窩堡村胡菜園子其文曰國初由滿洲國隨龍以來盡忠報國多負勲勞恩賜陳滿洲世襲公爵五大爺承襲入京駐防撥入復州城鑲藍旗滿洲書錦佐領下盛京鑲紅旗協領將此支派隨任入鑲藍旗第一佐領處乾隆二十八年在此要地開墾世居平安堡

清線節婦碑

碑在東破台子咸豐七年七月節婦子線榮耀立節婦節操

新民縣志

七四

已詳列女志文不復著

清薛母郭太孺人節孝碑

碑在小塔子光緒十六年五月姪希盈希仲立廩生桂森撰文並書見列女志

清節婦張孺人貞坊

坊在 光緒二十四年五月子鑑銘同立候選訓導李景枚撰文儒童振彩文書丹見列女志彩文現充東蛇山子高小學校校長此次修志充任採訪者也

清張府君碑

碑在青坨子光緒二十五年二月立滿洲廩膳生員福平安撰文並書府君姓張氏名春和字子元文已節見鄉型志清劉自玉字溫如碑

碑在大三家子乾隆年建文為奉旨光前裕後

清新民知府增公德政碑

右碑二在縣署前光緒三十一年縣人為知府增公韞立一張文典撰文一韓國賓撰文皆王振鐸書當民國四年柳水橫溢縣署成墟水落沙淤碑亦半埋土內此次修志起土洗碑搨文文剝落殆盡幾番摩挲終難辨識以文之可識者畧

新民縣志

七五

通以意大抵謂增公受任于日俄交戰之際強鄰逼境戎馬在郊災民滿途盜賊遍野而能對外以禮治內以嚴撫恤百姓以息更復手創章程設巡警以治盜立學堂以育才開工藝廠以興實業安籌濟局以拯災民有功德地方羣情愛戴因其去任勒石為文增公字子固京旗人光緒二十八年任由新民知府陞奉天府尹調直隸藩司清鼎革前為浙江巡撫入民國隱居遼瀋不再出今東三省巡閱使兼任蒙疆總督使張公故嘗與增公有舊增公不出張公亦不強之以成增公志也韓國賓字晏廷府學廩生現充相亭小學校教員學

品文章鄉人推重索其碑文原藁已早佚
清署新民知府沈公德政碑

右碑二在縣署前亦大半埋於土中摩榻數日文終不可辨
其一幾沒字其一字剝落尚有未盡者因其字以通其意畧
謂沈公在任善理外交外人遇事齟齬沈公處之以和而能
持大體以折其氣商民咸蒙其福碑文為春凱撰王振鐸書
沈公名金鑑字叔瞻浙江歸安人光緒三十年任三十三年
去入民國後歷官京兆尹湖南巡按使浙江省長春凱光緒
戊子副榜見人物志

新民縣志

七六

清勅旌節孝張母董太君碑序

碑在公主屯光緒三十二年三月立濰縣庠生王瑞年撰並
書太君張桂香妻序畧見列女志

清新節婦坊

坊在杜家屯光緒七年奉旨建坊載節婦守節事實已見
列女志

清旌表信孝子碑

碑在縣街西泡沿

乙巳歲余司鐸於新民之學堂暇輒采風問俗聞紳耆父老
嘖嘖稱信孝子不哀余且視為庸行末之奇也既而聽其人

則又穆然樸拙言語澁蹇耳目之者方且跋然立肅然敬意其所行必有足以沁人心脾者迨冬初紳耆等遵天子命建坊樹碑以寵異之友人持實蹟冊丐碑記於余始得悉其顛末蓋孝子信氏名永中字子慎自豐潤遷於郡北之後崗子遂家焉父壯母氏張貧無資恃子畋牧以為養孝子方十六先意承志以博堂上歡歲饑乏食至乞餼糧以為供羸弱淒涼未敢一毫私啗讀至此遂大異之曰養非難貧而盡養之為難盡養而在幼稚尤其難乎難今之世固有黃香曾參其人乎又叙其父病喉痛孝子乃引香灼背母病又割臂以進

母病不食誓減餐自苦揆以身體髮膚不敢毀傷之義且於賢者責備之然一介編氓未嘗學問毀性殘體愚之至正孝之誠又當愛之重之鄉曲咸稱其茹素終身跪香乞藥皮相者蓋感於迷信未足鑒其苦心也後娶龐氏食指愈繁乃賣卜於武廟前得貲具甘旨已則啗糠竅每具食則子侍婦趨油然孺慕及父母歿哀至禮盡廬墓饋奠有讀禮家所不能及者少成若性動與古合其行年蓋已六十七矣夫士大夫之孝能盡禮未盡出於真赤子之孝出於真未必貫於久如信君者允宜泐之金石以警末俗於是鳩工庀材衆力共舉

黃童紅女口沫心儀乃工未傳而君已於新正既朔謝世矣
余亟為贊其成或有以不急之務詰責者謂夫國家亟圖新
治國之未急奚有於家予則應之曰經言孝始於事親中於
事君資於事父以事君而敬同資於事母以事君而愛同特
患人之不能興起耳果由孝而擴充之各親其親各長其長
團體一結上下同心何患中國猶不强耶庶此碑之永垂不
朽而君亦與之不朽矣河間李秉鏞拜手敬撰同郡王肇岐
拜手敬書

按李秉鏞字振之清舉人民國考取縣知事曾署奉天口

新氏縣志

一七八

口縣知事善吟詠精篆隸鐵筆尤工古文非其所長也
清旌表信孝子建坊碑記

身自兩儀判而三才分其間如日月經天江河緯地閱萬古
而不磨歷千劫而罔壞者豈非浩然之氣乎浩然者何其為
氣也至大至剛直養無害可塞於天地之間者豈非忠孝之
原乎夫忠臣烈士史不絕書惟孝子仁人古今難覩瀏觀往
冊時稱重華大孝武周達孝考叔純孝聖門獨推曾閔者此
皆聖帝明王前賢往哲倫也至若生長蓬茅食貧居賤且以
未嘗學問之人其事親養志孺慕終身衡諸往古而無憾者

吾鄉信孝子子慎其庶幾乎孝子於咸豐六年值荒旱侍二老弱妹由豐潤東遷喜廣南俗厚遂居焉無恒產無他技童年得異人授占驗依為生計居新四十年不求人知人莫不知其孝者勿論蚩氓雖士大夫談及信子慎三字輒覺自慙形穢也可見至行感人為不誣矣孰知潛德必彰有感斯應適遠右大稜南紳嚴公作霖來新放賑始耳孝子名造訪焉愈欽其人矣旋馳金勅甘旨孝子婉謝之嚴益竒之先是吾部紳衿等仰孝子至行可風聯銜稟請馬尊涓賓據情以告經原任量臣依誠勇公聞於朝得旨下禮部議奏光緒二十

二年十二月十四日部臣具題准其旌表十六日奉旨依議欽此嚴紳聞此尤樂成之及命下甫經甲午兵燹之餘元氣隱傷遷延未舉旋繼庚子之變生甲辰之烽起乙巳秋和局甫定集款興工推賴程少府惠亭勞怨不辭慨馬力任馳錦購石鳩工稟請署郡守春允陳尊辦方定位擇西泡沿北高阜為建坊地焉所夕監修者為郡人楊俊臣堅忍辛勤始終其事輿論稱之斯舉也官茲土者與夫義士仁人捐助頒頒義宜條晰於碑陰合龍之辰歸安沈太守叔詹率紳衿叩謝天恩觀者如堵禮成太守諭眾云今日之舉千載一時爾等

各歸盡孝不愧國民堂上劉諭足格神祇吾鄙不敢湮人之善也特為覲縷詳書永勒貞珉值此冠履消陳之會強食弱肉之秋所謂忠孝大原乾坤正氣者不啻一髮千鈞岌乎熄矣有孝子以維繫之非第遠西片土足與河山並峙日月爭光也直今後之人聞風興起驅策而過潢南覲斯坊也始曉然強鄰在境劇烈戰爭之世界雖皇陵聖寢猶不免風鶴之虞而新民全部終至歸然獨存者此物此志也今經小閤倉桑後再覲清平幸際盛舉之落成故躍然不辭衰朽不避荒蕪因拜手泥首而為之記祇以目昏腕硬作楷維艱用倩家

新民縣志

八十

塾蒙養小學堂西席何葆臣茂才而特書之版曹未吏本郡李如柏敬撰

按嚴作霖江蘇人前清道員依誠勇公名依克唐阿曾任盛京將軍程少府惠廷名世恩見人物志何葆臣茂才名星源甫畢業于內務部自治講習所歷辦地方公益有名於鄉李如柏見人物志

清張節婦碑

碑在青坨子光緒三十三年張世清為其叔母瓜爾佳氏立庠生焦興武撰文見列女志

清馬節婦坊誌

坊在腰高台子宣統元年秋立承德附生崔德懋撰並書發起人王豐年王振高維藩高峻岐馬永增王鴻章曾錫齡高鳳書節婦氏高氏人馬俊升繼室見列女志

清高節婦碑

碑在章士台宣統二年夏高恩錫為其叔母節婦于氏立節婦高鴻韜妻見列女志碑末題名新民府勸學所總董聞啟元附生黃耀鳳內務府筆帖式榮武庠生陳永圖內務府庫使海心

新民縣志

八一

清馬節婦碑

碑在縣治南自治第三區一半拉台太平寺山門外於清光緒二十五年世凱延惠敬立戊子科副貢生春凱撰文寧河縣儒士張鈔書石文已節見列女志

知府張公翊宸德政碑

右碑二在文廟前碑無建立年月撰文人姓名亦未著錄一為王肇岐書一為闕雋臣書張公名翼廷熱河人現官熱河外交部特派交涉員其再治新民在宣統三年此碑當為民國元二年間所立兩文皆繁蕪無足存因有關張之政績而

地方往事亦足考證特錄之其一曰天福新郡誕降循良撫
宇勤勞有逾父母此碑仿墮淚碣表去思所以不容或已也
張公翊宸烏桓名下士庚戌辛亥兩守斯邦政績纍纍罄竹
難書特撮犖犖大者勒石以名之一如賑災環新多水屢被
其害臨事倉皇小民何賴公則函電宛繪流民之圖賑撫迭
作發棠之請激動中外善士共輸義粟仁漿俾我罹災之同
胞出水火而登衽席此其賑災之功德在民者一也二如防
疫鼠疫為虐防不勝防始則檢驗繼則隔離終則遮斷交通
種種作為施諸無經驗之商民易生阻力公則不為毀謗所

撓不為怨讟所動抱定預防宗旨捕鼠以防未然殺菌以消
已現振各員之精神造萬民之幸福事過境遷商民恍悟反
毀為譽易怨為功此其防疫之功德在民者二也三如弭亂
武昌起義海內騷然饑饉之餘繼以變亂災黎無以餬口宵
小藉此生心公則邀同農工商學自治各團體以籌賑為弭
盜之方卒使饑民無墊鴻之歎全境無風鶴之擾非公之濟
變有方其禍何堪設想此其弭亂之功德在民者三也四如
備荒春耕無力何望秋收專事賑撫財源莫繼公則招集紳
商各界設所募捐購種貸農為一時之接濟春借秋還發商

生息作永久之基本俾全境民無游惰地無荒蕪仁人之賜其利溥哉此其備荒之功德在民者四也五如築堤新民之害柳河為巨汎濫雖其常事惟庚戌辛亥兩災為尤甚公為防患起見一則修復舊壩再則補填決口三則贊成植柳培堤今也柳長沙高積成天塹兩三年來藉免水患此其築堤之功德在民者五也以上五端不過舉其大者餘如凡百庶政更僕難數龔黃不得專美於前召杜可以並傳於後今者公去矣挽劉無術借寇何年有口皆碑無心不印黃童白叟優游桑麻雞犬之天子婦子男飽飲甘露醜醜之澤感於心

而形諸口形諸口而勒於石藉以表揚盛德云爾其二曰天下溺猶已溺饑猶已饑先聖同思後世罕覲覲之自我賢郡守翊宸張公始公自己酉冬守斯邦翌年秋七月未雨而柳河驟漲聞報飭警往堵工未成而水勢澎湃剝那間全市鼎沸父子兄弟離散自顧不暇遑恤他人公則結木筏假軍船送餼糧覓房舍以分救之復僱工撈溺尸並紛電告災請賑組成水災事務所為辦賑機關推舉程君世恩總理其事查災賑氏分配得中放米放糧放錢施之再四活者萬千辛亥夏公以防疫功擢升道員去新未數日大雨連旬遼柳諸河

水勢同時陡發一萬五千方里無完土四十二萬人口皆災
民較之前次柳河為虐其害尤為劇烈此次鉅災大府聞報
知公在新兩載政績卓著奉檄查辦急賑旋省後未幾而鄂
事起署府金公電請辭職繼任非人值風鶴頻驚之際哀鴻
待哺人人望而却步公則關懷舊部遶應各界之請奉命復
攝新篆下車始即以辦賑為急務召集各界復設籌濟事務
所仍舉程君總理賑務各界人士公同贊勩並自治職員分
擔責任計全境災區共設粥廠二十處食粥者日數萬人而
省頒賑糧柴費為數有限人多糧少勢難為繼公愁思至再

新民縣志

八四

首倡捐廉作托鉢計中外慈善家共募洋六萬三千餘元分
別賑撫氏免帝饑我公猶以冬賑不過救急無力春耕復有
籽種事務所之設舉劉君煥魁總理之募捐購備粟麥按戶
分借春貸秋償賑竣計共餘洋一萬七千餘元預為異日備
荒基金然非我公拯救為懷知人善任何能災情若此之重
活人若此之多事後追思災我新者天也生公福我新者亦
天也天有好生之德公有體天之誠連年水患兩度來援所
有災黎同歌再造今者公升矣攀轅不可報德無由公氏代
表等謹將我公兩番籌賑實蹟勒諸貞珉用慰往者藉告來

茲

王君殿侯紀念碑

碑在王莊屯民國四年五月渠萬金弭鵬程為其鄉人王殿侯立岳逢春撰文王殿侯字閣臣文卷云殿侯事親孝好濟人之急光緒庚子日俄戰起慷慨練鄉團聞里賴以安堵鄉人感之因樹碑以彰其德

王節婦王孺人節義碑

碑在王莊屯民國四年五月立張世清撰文節婦王永和室見列女志

新民縣志

李節婦坊

坊在中腰堡民國元年建文己節見列女志

韓母富孺人墓銘

碑在馬房民國二年五月孺人孫廣生立見列女志

王節婦姜孺人節烈碑

碑在王莊屯民國四年五月立張世清撰文事蹟見列女志

夏節婦碑

碑在縣街民國九年七月夏永盛為其母孫氏立孫福堂撰文石毓山書石見列女志

袁氏墓碑

碑在袁家窩堡民國十年袁治人治民治時立治民撰文治民庠生文大致謂遵先世遺囑捐田三十畝作為祖塋祭田刊之於石以垂久遠

清故紳李公之紀念碑 其一

碑在縣城西大街山西會館門首正面文曰清故紳李公之紀念碑同邑張博惠敬書

背面記云民國九年經地方士紳

王鵬齡
何星垣

商會長王國弼等

倡捐建立

新民縣志

八六

清故紳李公之紀念碑 其二

公諱如柏字子心縣署西街人也生而聰睿才智過人尤精書法係前清戶部員外郎花翎候補知府其自回籍養親以來對於地方公益事件無不竭力為之務抵於成而後已新邑自設治後諸政畧備唯黉宮未建學額未定公首捐鉅資為官紳倡於清光緒十三年秋稟建黉宮請准學額復創設遠西書院開新民二百年文化之先至今承學之士皆歌公建學之功柳河為新邑患幾近百年清光緒十七年夏河水暴漲全縣幾成澤國公憫然傷之急稟請辦賑全活無算復

請奉軍三營在縣街迤西築堤順水南北亘二十里新縣十
餘年得免水患者皆感公捍災之德新邑為兩京之孔道當
清光緒甲午庚子兩次變亂之時一日數驚公均稟辦團防
勦防兼施地方藉保安全迨俄日相繼侵入復設支應局以
供給之不准該夷兵等私自採買而商民卒未受其驚擾皆
賴公保衛之力孝子信子慎新邑寒士也公慨世道凌夷曾
與諸紳請旌表倡捐建坊復撰文彰表以風末俗使世人皆
知有所觀感此亦公孝思所致公於民國五年舊曆十二月
十九日寅刻終於里第享壽七旬有六前經縣街京官楊軍

法正芷青君會合在京同鄉官臚陳公之生平事蹟於民國
七年十一月十七日聯銜呈請褒揚蒙 大總統以熱心公
益匾額題褒 紳等以為公雖榮膺褒典不有傳述難垂永久
乃相謀不朽之事集資樹碑茲當碑工告竣故將公之興學
造士築堤順水辦團保鄉建坊教孝諸大端撮拾而為之記
竊願吾鄉後之觀斯碑者知表揚已往正所以獎勵將來庶
不失樹碑之微意也夫是為記

中華民國十年重九節穀旦縣街後學

何星垣拜撰
高映辰敬書

新民縣志目錄

第十八卷

雜志

書

記

史異

祥瑞

新民縣志

八

雜志

陳述類

劉章瑞改良畜產意見書一卷刊本

汪大燮叙云往稽故籍紀吾國社會之富庶不曰牛羊千頭生息繁茂即曰雞豚盈柵家給人足迨遊歐美觀其社會營業未嘗不以畜牧為急務國有是政校有是教雖細不遺臻臻乎有庶人之富數畜以對之風焉而吾號為農立國墨守故常而不加察其不足並立於物競之世也明矣劉君章瑞出所著改良畜產意見書相示借鑑鄰國為

新民縣志

八九

吾國導擇精語詳疊疊動聽其所以鈎遺國人者可謂務本之君子矣吾願當世熱心之士手執是編互相倡喻正不必務為高遠而轉弱為強易貧而富之機未始不基於此還質劉君當不河漢斯語

周毓岐叙云今天下人有擁瓊瑰居美矣據沃田千萬頃而日帝飢號寒於其間者問何故曰窮問何不因己之所
有者經之營之變化之以為乃衣食需曰不知其法問者
必笑之曰痴人嗚呼吾中國今日何以異於是哉國於東
亞大陸地阜物豐致富原質甲全球而庚癸之呼遍城野

外債纍纍如山邱近且不見信於外人而借款之路亦塞
際斯時吾等將不經不營而坐困以死乎吾有以知其不
然也今民國建築伊始凡百鼎新人固不拭目望國之強
然富者強之母貧者弱之因貧而望其強是猶起餓夫而
使之舉千鈞蹶且踣耳惡能勝任於是吾國之策經濟者
嗚呼曰興之藝擴農商及問其所以興之擴之之法則曰
需款嗚呼無米為炊巧婦亦難奏效需款而不籌款乃竟
先云幹事得毋如樵於海而漁於山乎而為無策之策者
則曰加稅曰借款詎知加稅則剝肉充餓借款則作藪自

斃苟非下愚何忍出此乃竟於吾國聞之實令人可為痛
哭者百也吾聞之善理財者不必求諸顯且大而於常人
所輕忽之處其加意尤審蓋天下事微小中存精大之義
焉積塵為山萃流成河因細為鉅理非誣也吾友劉君素
嗜學於前清八股文取士時代即留心實學為文動別標
異識藉發胸中甲兵科場利否不之計毅然有古丈夫風
丙午春遊學日本入政治經濟科螢雪餘暇博稽東西各
國經濟學問編輯經濟學報甚夥為困於印刷費不能付
梓人竟束諸高閣憾事也近復痛心於中國財政之告急

費數斗心血講求改良畜產方法勒成編帙內詳言日本畜產之成效為中國所宜取法而於如何蕃殖如何防疫尤詳且晰不為空談而確求實法不惟求實法而並豫決成效其實有心得可知誠採為救窮訣數年後當有成效可觀中國政府從來無獎勵畜產之舉但取放任主義紳商士子亦罔有提及者豈以畜產為微且細不足與於生財之道乎然吾國至今日彫敝極矣如開鑛山築鐵道諸事業試問無重資本能措手即成乎故窮為窮計欲求資本輕而利益重之道則莫如改良畜產直接籌款之政策

因民之所利以利民即因民之所利以利國良法美意於是乎在

自叙云家畜疾病千奇萬異乃此編僅及防疫餘皆缺畧不言識者於此不能不少異焉詎知吾國畜產之放任雖疫尚不為防而况其他鄙人先提及最危險者以為之警惟望畜產之改良不待思索從速定一畜產行政之方針藉以達直接籌款之目的若必將家畜之醫病一一詳言是畜產專門之學問實事攸關非僅可以理論了之即使言者不憚煩而亦足令閱者生厭何也以其非行政之目

的苟家畜行政之方針既定培養畜產人才定能視為急務由近而遠由粗而精例如畜產講習會畜產傳習所畜產學堂人才輩出畜產振興自然日臻完善之地步凡事發起之初須挈其大綱設如亟亟逐末甚無味也求苗之長者必先固其根本欲流之遠者必先浚其泉源勢所必至理有固然鄙人不揣謏陋僅就防疫一端撮其大要以待識者之指謬異日畜產學者閱此微言尚乞諒我腐心則幸甚矣中華民國元年九月誌於日本江戸寄廬

原書節目

新民縣志

- 一改良畜產意義
- 一自衛之獎勵
- 一關於家畜之疫病報告又通告
- 一廐舍遮斷
- 一町村遮斷有二種
- 一家畜之買賣通行監督
- 一家畜市場之監督
- 一消毒藥奏效之原理
- 一養豚之概略及防疫
- 一改良畜產進行之跬步
- 一發病庄出
- 一組織防疫機關
- 一農場遮斷
- 一牧場遮斷
- 一家畜通行券之制度
- 一撲殺賠償法
- 一栽培牧草篇
- 一豚管理之一斑

一養雞之概略

一管理之一斑

一人工孵化與育雛之大概

一防疫與消毒之大概

按原書為刊本已行於世大旨略見以上節目茲為避繁原文不錄

榮凱修治柳河始末記一卷 抄本照錄

查此河源出自蒙古由熱河經彰武入本境其發源之處未能目覩窮源不敢妄述但發源之處必係暖泉蓋因其水冬夏不絕苦旱無斷以此推而可知茲就所及見者言之西北由小庫倫之扣河起由彰武縣大廟地方轉而南流謂之柳

新民縣志

九三

河由新民至小庫倫二百餘里凡所經過之地概係沙漠而西北上游之地勢極高東南下游之地勢極低曾經測量縣西南北二十里內高低相差四丈有奇更北則逐漸加高以此推算於二百里外則不知其高幾百仞矣故其水流至急如由上傾下每逢水漲朝發夕過水頭高起數丈壁立聲雄波濤怪惡如有物橫見者而不知為坡度關係使然此驚為有怪之一說也又因其流急勢猛水力直射之處往往趨高棄低窪處得免高處被冲居民視為奇異而不知水力過猛不容尋下就低所以有棄低就高此驚為有怪之二說也再

查彰武前為游牧之地在未開墾設縣以前向無居民有之皆為蒙古牧人所居幾十里內或有一村其地概係沙漠全河流域由此而來故一經水漲夾沙而下其渾如醬沙水兼半流勢稍緩即澄清而淤每遇大水一次淤高及丈此驚為有怪之三說也又每逢新漲之後渡者常將車馬陷入泥中愈撼愈沉竟將車馬陷沒無存殊不知浮沙新淤尚未沉實履其上豈有不然此行人驚為有怪之四說也又在隆冬大寒之際冰裂水出几天發河而不知上高下低之河面上結冰底下有滔滔不絕之水水漲冰裂湧而出之本無足異此

居民驚為有怪之五說也更有當河之衝被水周圍居中之人家於隆冬之時由竈下出水不已而不知地被水浸屋外皆凍獨竈下得暖水由此出又何可異此驚為異怪之六說也由此種種互傳之怪異遠近悉聞而莫明真相故有與當地居民言治河者無不塞耳避之甚至紳商中之佼佼者亦復如是考其實在為患之緣因一由於上游坡度過高故水流至急來源出自沙漠由上夾沙而下不僅水患沙患亦甚由北至南節節為患至於縣街明者察之或謂確論耳攷自五十年前患在遊牧即邊壕之外此地尚無居民亦無

人道及河患想此時之東西滾移上下淤高水勢之凶猛怪異必悉如近時入邊之狀不過無人知曉耳溯至四十年前由單家五台子入邊在縣西北六十里該村是一大鎮比之大民屯白旗堡有過無不及居民數千戶燒當多家四野均係沃壤蓋此河由北南淤節節增高高之處即定成河統有統之處水有歸宿而不汎濫無統之處漫溢橫流斯時該村適當上游定成河統之口故未數年全村悉被淤沒一戶無存此柳河入邊首當其衝而被害之第一村也嗣後逐漸南來由此至縣六十里以二十里分為三段每段受害約十年

以三十年攷之第一期十年冲沒北段二十里內之單家五台子等處東西寬波及四五十里居民概皆遷徙所有田地悉被沙淤增高數丈而河統即定成一段第二期十年患在中段二十里內楊家屯等處為禍之烈如昔第三期即近十年惠及縣城北二十里前後營子等處而前兩期受害之四十里外時過境遷反得安然無事由是連年波及縣城在先緒三十年後管公鳳銖署新民府才幹有為視此河患為地方要害稟陳大憲延聘英人親往測量調查北至彰武費款四五千金由英人測繪一圖並未決定辦法復諮詢本地士

紳斯時凱在鄉守制未敢預聞然調查修治實始管公不可
沒也宣統元年凱被舉為地方捐董管公文卸張公翼廷接
署此時柳河已半入街中由西大街轉入西泡子南流宣統
二年河水大漲浸入府署大堂之下水深數尺所幸堂屋尚
未大壞水落之後仍可復居三年六月張公文卸金公榮署
理接任未十日大水復來災害比前愈重電陳大憲即派張
前府公前來查災兼設法治河以絕患源張公到此即會同
全府問及於凱凱以事關全境利害必須親往實地調查方
可洞悉形勢再擬辦法於是乘騎沿河溯查至邊尋觀二十

里以外昔年受害已過者其柳林叢茂沙積如山河統已定
之處皆不再為患惟近縣二十里內一面平坡地勢窪下水
流直衝縣街登高一望如鉅炮在北口對縣城一發必中全
縣立可無存凱沿河一週目覩兩岸有柳之處沙增岸高而
不為患無柳之處一片白沙洋洋帶水立馬遙觀而心思前
古治河之道不外疏濬堤防惟此河上高下低無須疏濬空
沙作堤更為不可河水情形迥異若非別籌善策無以為功
忽憶及閱西人新書有以森林治河之說當時不曉其意今
目覩柳岸頓悟森林治河者即栽樹治河也又思柳河之命

名由於土質宜柳有柳之處即能成岸定統而不為患因擬定植柳培堤四字為綱並說明河之流域及為患情形條陳辦法數十條建議於金張兩公之前頗蒙採擇復經金公續以送水入遠四字蓋遠河出自縣東轉繞縣南曲達營口柳河由西北流至縣南二十里匯入遠水兩河歸一故以植柳培堤送水入遠為大綱此為建議修河之始

宣統三年夏知府金公到任未久即遭河患以凱有所建議殷殷下問其實凱本無治河之學不過見景生情畧陳管見且不敢自信復同金公乘馬勘查行至縣北二十里有一高

大沙岡登顛遠望全河在目水勢直衝縣衙金公觀畢大為駭然立謂凱云此河不治全縣空矣予為此府何能心安凱以賢宰之言深為動衷加以桑梓關係豈可不竭盡愚誠悉心贊助於是沿岸查勘由東轉西日行百餘里金公生長南方乘馬本非所長乃竟不知勞頓回署後以原議大綱稟陳大憲批交司道會議准予照辦飭凱勘估工價茫茫大河素無依據言之容易行之實艱籌劃月餘盡勘估以英人原估須百五十萬兩者減至工料奉洋十二萬元有奇稟出後即蒙批准撥款照修此宣統三年由建議而至實行之時期也

不料河患將可得治尚未開工而國難大作武昌亂起忽奉部令各項工程一概停止所有款項用備軍需而此數十年幾百村全縣波及四分之一縣城且將不保之大患從未論及修治之道幸逢金公始有此舉不期以國勢顛危而竟中止在凱以建議治河本無把握由此停工正可藏拙且以國家將亂大局尚不可保何區區以此為也而金公自登高瞭望沿河勘查之後深以縣街不保朝夕為懷不肯置諸不理迨奉文停工之後時以設法小修保護縣街殷殷垂問斯時凱又被舉為府議事會議長行政長官尚如此念切地方之

害予為議長何可苟安乃又改為堵口栽籬保護縣街之議復經金公轉請撥款五千元時將封凍工作綦難凱即邀會鄉耆多人幫同照料得速竣工堵口者乃於二十里外天然定成之河統有缺口處用人力補齊以免潰決栽籬者因二十里內一漫平川無可屏障沿照河流東岸縣街之西北栽柳一行培以土堤使其柳長沙積成為高岸如上游天然之勢阻水南流使原有之河統之口轉向西南類如掉轉炮口使其射擊在空隙之地以免直衝縣街計長二十餘里均用三寸粗五尺高之柳樁密排如籬兩邊培土成壕計共堵口

四十餘處栽柳二十餘里僅用洋四千八百元復於縣街西頭用麻袋裝沙將河流堵出街外此是年秋十月初次實行小修並移河於街外也

工竣後國體已變金公辭職復以張公翼廷署次歲氏國元年前所栽之二十里柳籬當春茂發五月後枝長五尺綠柳之旁已積沙成崗迨至七月崗高五尺寬有三丈事為外國人注目往詢站長植柳治河為何人發明站長詢之地方官而張公由此始問及栽柳之效蓋張對於植柳培堤之議深恐緩不濟急專待柳長沙增何時可以禦水故復任後向未

提及茲聞外人有所贊許乃即邀凱往觀彼時已在七月新柳叢生枝葉甚茂綠柳之旁一道白沙高在六尺寬過三丈長二十里數月之間天成堤壩張公觀之喜出意外乃曰吾向以所議萬不至如此成功之速深惜一行弱柳禦此狂瀾未免薄弱初何不多栽也予即告以為經費所限制裁此二十里柳籬堵口四十餘處共費洋四千八百元張公任新屢值水災亦頗以民事為重復經詳稟大憲另請撥款數千元於民國二年秋沿東兩岸復行栽植路南由縣街西頭栽至佟家燒鍋村北計長十五里東岸復行栽植南北計長三十

五里之外副經稟請設有河工辦事處委凱為辦事員月給車馬費六十元適值連年災歉地方公款無存凱並未忍支分文僅開看護工價兩名二十餘元惟植柳於人烟稠密之處看護最關重要凱每月必親查數次驗視河流形勢此民國二年之時期也

張公去後廷公瑞署新民此時已一律改為縣治廷公任事常以往事相談亦極重視河患常親同查勘補植柳堤惟縣西路南至佟家燒鍋所為保護縣街起見不能顧給他村而西南五里外為東范家屯正當五十二號橋口之南適值其

害已經屢次冲淹迨盡而所餘各戶不知遷地為良竟以東岸栽柳水必西行大起反對視凱如仇有一次凱同廷公查勘河流行至該村聚眾男婦百餘人勢將得凱而甘心廷公力為彈壓是年又蒙張督賞給熱心毅力匾額一方紳民疑妒以此常遭蜚語凱於此頗覺灰心不敢多言此時士紳中之助凱者惟周憲文與縣署科長黃菊三所有先後計劃悉賴兩君幫同研究有以盡之耳

記自民國元二三年之內縣城安然無事迨至民國四年六月間霖雨經旬河水大漲由縣西北五里處決口浸及鐵道

竟由車站之東潰入縣街直冲要害街巷悉成流港冲倒民房三分之一府署最窪已經兩次水浸經此一番一概坍塌此為廖公彭署新之時災後電稟派遠藩道榮公厚來新查勘榮公與凱素不相識到後即邀凱諮詢斯時自治取銷凱又被舉為預警總長榮公宦奉多年政聲卓著見面之後歷陳為患各情與先後修治之法復詢以現值全河入街水流汹汹已倒之房屋器具半在水中未倒之處概皆危險一日數驚啼號遍野尚有何策以救之凱對以急則治標緩圖其本水當稍撤之後災民如蟻各顧其穴無復顧及患之所來

如何可去唯此次河漲口決由鐵道潰入縣街非柳堤無用之患實鐵道橫梗之患凱即孤身出外登高察看知因河寬橋窄水大力猛不能暢流橫堵而潰害及縣街蓋縣西為五十三號橋只三百餘尺再西于十里外為五十二號橋七百餘尺上游河統在正漲時寬及十餘里如此兩橋各在一處值此大水焉能暢流自從此次被災後獨往查勘始悉其弊但事已如此深自愧疚早無先見植柳之後未先議及開橋已不敢再言治河之道惟默默自慚而已茲承榮公殷殷下問又不得不言隨陳明治標之法先由鐵道北挑溝引水由

五十五號橋下南流撤出縣街之水以救目前之急治本之道仍須引歸舊道由五十二號橋下南行使其入遠但非加寬此橋不可榮公頗為嘉納復令凱導引溯流尋查親視上游河統已定各處之柳林沙岸並考查以上所言各情悉屬實在而此時之河照比宣統三年栽柳時河統又向前增定十餘里矣自後營子迤西率皆有岸可尋而榮公之乘馬往查一如金公日行百里尚不知倦凡所言者皆不空聽而必細加研究回縣後即令凱上陳治標治本之道此民國四年二次建議治河之所由來也

是年秋十月將鐵道站東決口堵塞合龍之日居民往觀幸喜一舉立成街中之水當時而涸商民大有喜色惟縣東居民及陸軍營盤又不無少受其害街中方以為喜街外又復生怨此固以鄰為壑然當此萬難之際亦不能不以兩害相形取其重輕暫救一時耳荒記移出此河只費兩三千元此非榮公督促凱亦不言迄今思之新民之得以尚存者皆由金公次由榮公提倡督促之力而其所修治者又全賴巡師始任督軍時立為撥款興修得以有此今日之存在此民國四年九月二次移河於街東五十五號橋下以實行治

標之道也

既以治標解縣街之大厄繼謀治本此時為段帥督奉慶公
頗與有舊廖公曾三署新民值此大災視民如傷信凱頗堅
有言必從對於治本之策力向段帥面陳惟此時省庫甚空
撥動鉅款大非容易凱復籌思多日以患由鐵路發生交通
部尚可存款不能不由此藉賴計測量應需調挖之工長二
十四里餘擬定辦法路南路北分為兩段路北由省庫鐵路
局兩處擔任路南請撥兵工由奉軍及二十鎮之工程營兩
相分任此時巡帥正在師長任內蒙榮道尹轉稟之後招至

新民縣治

一零三

省中會議巡帥力為贊助首先撥兵復隨同榮道尹廖縣長
入都與財政交通兩部會議部招鐵路總工程師磋商而英
工程師以路政不能顧及地方之民政如謂鐵道阻水可以
多設橋梁擬由白旗堡至巨流河概設玲瓏橋即每距若干
遠近設橋千尺鐵路之南北村鎮田廬一概弗顧向其要求
加寬五十二號橋百說不應謂此河流無定常經測量束狹
西高將來水必歸入縣東據該工程師之所見亦不為無因
惟其與全河上下形勢水沙之性質及上段河統逐漸定成
時移勢變而未深明也就其所言攷之皆係數年前路北二

十里內並無河統散漫一片忽東忽西之時故擬設玲瓏橋待水任流所謂西高東低者因近年水皆在西鐵路橫亘逐漸淤高之所至也設在東流多年而東又必高於西也况此急流夾沙水寬橋窄一阻必淤設橋雖多而皆不與河流相等全不適用勢必轉圜為患無疑更不遠查路北之河統十里外已經定成而堅執前法是未知近來形勢變更此就民國五年交通部會議時之所言也開會數次未得結果嗣經葉次長恭綽出而主席始決定照議由五十二號橋下批修並允為撥款協濟時值洪憲正議帝制國家又將多事

段帥去奉將興之工遂又中止

張巡帥繼任督軍後即召凱與廖監督進省面諭發給二十萬元遷就小修兵工亦不能再撥飭令擬具辦法以便開工凱於奉令之下面辭未獲回縣後日與廖公詳加討論此為極險之工籌措匪易欲引歸舊道而臨近村屯難免無恙然又非此不可籌思多日設非懸水空中別無完全無碍一村一人之理問工後又值大雨時行之恐在在危險所賴者勘定河道及一切辦法於事先均經榮道尹親自視查所有各事悉先擬定稟准施行此時又幸逢金公任政務廳長幸遇

兩賢為政而又熱心其事一切建議均經仔細研究實地查攷事由凱起又不得不履行原議隨擬請由督憲派委督修道尹派為監查以廖公知事為承修凱為監修委員復又稟請由東三省測量局派員復行勘測每二十丈為一段平均底寬口寬高下若干繪具詳圖以為工作之標準事先由測量人員繪定圖表先行呈報省署備存嗣後雖想虛報一寸亦不可得此事先繪具之圖之謹慎用意也嗣又以招工為難本地投標更非容易乃商之廖公稟請大憲由天津鐵路總局派來工頭悉照鐵路章程從輕擬定土方工價時在五

月間正值農忙之際本地工價日需五角另外供給吃食而此項工價考其善能擔土之人日可能賺五角且係自備吃食此招工之謹慎用意晝夜籌思月餘始行完備也

民國五年四月間開工至六月底工竣合龍之先電請道憲親臨監視計此兩月之久凱逐日立於河岸幸喜邀天之功兩月無雨河水未漲當此之時日惟私心禱祝設一經大雨河漲水發工將至半如被冲淤惟有以身隨之而去此又天助以使新民尚有今日也當合龍之先數夜無眠寢食具廢若大工程只爭此刹那間凱素不知測量之學惟恐所測不

準合龍之下水不歸就故所以私心惕惕此役之艱辛困苦
惟自知之耳幸喜合龍之旦如由縣街移出路北之時不數
時而東河立涸縣以東者滿地捨魚居民大樂而新挖之河
則滔滔者順流南下報馬飛傳告以下游已達入遠矣凱於
此時如負千金之擔立釋其重如處萬分危險之地立出其
境也此民國五年六月二十四日修治柳河復歸舊道此為
第三次之移河也

獨有缺憾者修復之後鐵路只於五十二號橋之東西各加
多橋終未能對照河統加寬適宜之橋該工程師始終不肯

變更其原有之計劃次年水復大漲由五二橋北里許決口
西流將黃旗堡冲沒怨謗之聲復集於凱竟至聚眾欲毀吾
居幸大憲明察嚴飭知事力加保護懲辦為首風波始免按
黃旗堡村僅靠五十二號橋西當修河之時已先告知該村
處於危險之地但須應向鐵路邀求開橋橋一加寬危險可
除凱與道尹縣知事均向部中邀懇惟工程師不允而該村
至今尚未悟其受害真因深可慨也

民國六年春奉張巡帥電召到省面諭優獎別有差委時值
局事未暇及此忽奉道憲榮公委為常關局長凱由此

即脫離地方義務惟對於此河未能完全盡善大害悉除橋口未開縣街仍有危險蓋四外已皆淤高縣街形如釜底雖現在河向西移惟恐不久必返乃於去新之時復將善後辦法各處之要害應加注意者詳細陳之其大要擬在縣北與東西兩街頭全行栽柳意擬以林為廓既可擋水復可遮沙三十里外之茨榆坨有缺口一段大應注意並上下三十餘里之柳堤更應隨時加意保護此最終善後之建議縣署有奉可查亦聊盡吾心而已

民國十年凱由有議會議員期滿蒙農商部王總長廻斌函

招歸部就去七月間得家信遼柳繞陽各河皆大漲發柳河復歸五二及以東新開之甲乙等橋至柳堤未入縣街似乎頗有此堤因復觸動河寬橋窄水又東移縣街可慮而未達到完全破除其害心實不安隨在都門擬具說明書通告同鄉曾經王總長函知交通部復令凱前往說明經孫科長代見人極明白執持舊日各圖及後開之玲瓏各橋概皆熟悉以凱之說明書大有道理深知工程師早年計劃之玲瓏橋不適於用非照河統加寬不可適值閘湖大起交通部無人執政未能實行開橋置之高閣矣

民國十一年歲暮回籍二月初返都正值春水滔滔凱於火車之上查看形勢水由五十二三甲乙等橋分流此正應該工師間斷設橋以待任流之意但查上游之河統近五六年內已逐漸向前增定至魏家屯南距鐵路不過二三里而上之河統非立水在一丈外不能出漕是河口之前橫逼鐵路若非比照河統加寬橋梁勢必擁堵橫決其理至明一望可知前者費款數十萬新民始得保存全河之患十去其九今只在咽喉一點如破除其弊路縣胥安否則縣街危險萬狀凱覩之實覺痛心疾首到都後復遇金公錫侯先生又以

河患詢之謂凱既有所知不可不言隨即上書直陳於巡帥之前並附陳繞陽河近年之患亦由於河寬橋窄如出一轍如蒙採納實行此又係金公催促之力設由此開寬橋梁全河患息新民保存而大德陰功始終皆出於金公之力也統計柳河為患入境以來五十餘年淹沒村屯二百餘處東西四五十里南北七八十里所有良田悉被沙淤其間損失財產傷斃人命無可悉數近年害及縣城全縣不保始漸有修治之舉溯其大功而縣城得有存在者若非張巡帥繼任督軍未必不猶如昔年無人顧問焉首捨此鉅款故工竣之

日經榮道尹擬就德政碑文交給廖監督與凱覓工鐫刻欲
立於西大街路南柳河神廟之前

連潘道尹榮公於修復舊道竣工之後時以善後為念每遇
凱必殷殷垂問後任知事以災患已平鉅烈時又未日覩往
住於謁見時應對不詳加以斥責蓋二次河入縣街經榮公
親來查勘一次治標治本之計劃均經親加研究修治之舉
均賴榮公而成故對此河患深為闕切每以後任知事不肯
留意為憾今之李監督仙根原署營口作事勤能素為道尹
器重故於民國八年調署新民並以零集市帖將為商民之

累李監督到任後潛籌款畫將數十萬將累商民之市帖完
全了結鐵路工程師時以加修玲瓏橋來縣要求又屢與抗
議對於柳堤歲加裁補未致釀成後患亦道尹用得其人之
功也謹將柳河為患先後修治情形據實撮要記之以備日
後有所參考耳

災異

樹稼 前清光緒十九年入冬以來新民地方每日上午霧氣
彌漫草木皆凝挂白霜如纓俗曰樹挂實即樹稼亦名樹介
古語謂樹若稼達官怕蓋主傷勳官也次年為光緒二十年
中日失和果以兵戎相見達官怕之語適驗

義和拳 前清光緒二十六年拳匪之亂幾亡中國先數年突
起謠言謂今年苦不算苦二十加一五大街紅燈照那時纔
算苦蓋一五合為六即指二十六年也當時結夥男子為義
和拳女子為紅燈照此等謠言顯係作亂之主腦先事傳播

新民縣志

一百一

原不足怪第按諸事實其可異者一則響應之速直有一日
千里之勢誠不解是何神通一則無知幼童一誦咒言立即
迷失本性口眼歪邪舞刀弄棒竟於青天白日之下慘喊殺
聲其稱惡直不可向迺又不解是何法力總之反常即為變
背人則為妖國家將亡必有妖孽信矣哉

祥瑞

祥瑞之徵載於史籍者不可勝數究其原理蓋不外天地清寧
鬼神合德聚清淑之氣而結卿雲積鍾毓之靈而生奇杰偶獻
吉祥之朕兆隨為家國所稀奇新民僻處邊荒禎祥之發現於

往古無攷於近今亦罕有所聞茲據採訪僅有馴鶴一事姑錄之以驗將來

馴鶴 二區馬廠劉家廬村農民劉克泰年逾七旬頗好道前數年於住室外築別墅一所引同志張翁樹棠為伴侶張年亦逾七十二老同居別無往來蓋同為養靜計也於民國十年四月五日突來仙鶴一隻飛落籬外二老恐被人弋獲揮之去豈意次日復來任揮不去飼以飲食宛如家禽之馴遠近聞知往觀若驅市月餘來人漸稀而鶴愈馴熟或飛或鳴似樂得所竊憶屬境與比連之隣境向無崇山峻嶺茂林修

竹不產鶴鶴亦稀來故見鶴恒少茲竟來而不去且對稠衆安處不驚豈果為二老之德音所致歟抑係事之偶然耶或曰人有機心而禽鳥先避論語謂色斯舉矣確有此理想二老涵養功深機心已泯故能人禽相安說亦近是但此修潔之珍禽日盤桓於二老之目前倘竟謂為二老之積祥不亦可乎

